

重刊題德府志

歸德府志目錄

卷首

圖經

歸德府境總圖

歸德府城池圖

商邱附郭

商邱縣境圖

甯陵縣城池圖

甯陵縣境圖

鹿邑縣城池圖

鹿邑縣境圖

夏邑縣城池圖

夏邑縣境圖

永城縣城池圖

永城縣境圖

虞城縣城池圖

虞城縣境圖

睢州城池圖

睢州境圖

考城縣城池圖

考城縣境圖

柘城縣城池圖

柘城縣境圖

卷一

方輿沿革表

卷二

古封建表

卷三

職官表一

古職官上

卷四

職官表二

古職官下

卷五

職官表三

今職官

卷六

選舉表一

徵辟諸科 進士科

卷七

選舉表二

舉人 武進士 武舉

歸德府志  
目錄  
卷八

選舉表三

貢生

卷九

地理略上

星野

疆域

市集

鄉村

卷十

地理略下

山川

形勝

風俗

卷十一

建置略上

城池

官署

卷十二

建置略中

儒學

書院

義學

卷十三

建置略下

坊表

倉庫

恤政

驛舖

卷十四

水利略一

河防

諸水故道附

卷十五

水利略二

總境水勢甯陵諸水

商邱諸水

卷十六

水利略三

鹿邑諸水永城諸水

夏邑諸水虞城諸水

卷十七

水利略四

睢州諸水  
柘城諸水

考城諸水  
各境橋梁

卷十八

賦稅略土

地畝  
起運

人丁

征賦

漕糧

卷十九

賦稅略下

存留  
土產

驛站

鹽引

雜稅

卷二十

名宦略上

兩漢

三國魏

南北朝

唐

後五代

宋

元

卷二十一

名宦略下 明 皇朝

卷二十二

人物略一 鄉賢

卷二十三

人物略二 鄉賢

卷二十四

人物略三 鄉賢

卷二十五

人物略四 鄉賢 武功 義行 寓賢



薛德府志 目錄  
卷二十六

人物略五 列女士

卷二十七

人物略六 列女下

卷二十八

祀典略上 文廟 祭儀 祭器 樂器  
名宦祠 鄉賢祠 諸壇祀

卷二十九

祀典略下 諸祠廟

卷三十

藝文略

學宮經籍  
郡縣志乘

名家著述

金石文字

卷三十一

武備略

歷代兵燹  
駐防附

衛兵舊制

營兵今制

卷三十二

古蹟略上

名勝  
園亭

卷三十三

古蹟略下

第宅  
寺觀  
陵墓

卷三十四

災祥略

卷三十五

識小略上

卷三十六

識小略下

歸德府志卷二十八

祀典略上 文廟 名宦鄉賢祠 諸壇廟

序曰自伊耆氏始爲蜡祭祀吉禮起於神農儀禮十七篇吉禮居首周禮春官掌五禮其別三十有六而吉禮之別十有二祀典之詳於周爲盛司馬彪續後漢書因舉中興以來所修用者以爲祭祀志歷代史家大槩附祭祀於禮志惟元史則仍司馬之舊竊謂修志與史家微有不同史家集一代典章五禮宜脩若夫一郡一縣惟祠祀與他州邑

往違互殊所當加以參攷至軍賓凶嘉諸禮自有  
國朝會典可稽無容汎涉也凡祭之法先重文廟  
入廟堂觀其禮樂祭器因一一筆之於書重典守  
也其配享從祀先賢先儒姓名天下郡縣皆同茲  
不復述次及名宦鄉賢諸祠按其世次書其姓名  
昭功德也次及社稷厲壇蜡廟紀其歲享述邦典  
也又次及古來之先聖仁賢以及忠孝節烈有專  
祠於茲土者如闕伯臺伊尹廟微子廟孝烈將軍  
祠協忠祠之類悉爲詳其本末發其幽潛所以表

血食之不可泯也舊志於祠祀止載祀在某處廟在某處而已將典守奚稽功德莫究國家之所以歲享與夫先代諸人之所以血食又何以明其義攷州縣諸志每忽祭祀而弗書間有書者則雜入梵宮琳觀不合於古因倣取古體作祀典略

文廟

名宦祠

鄉賢祠

諸壇廟

歸德府文廟在明倫堂東元初建殿三楹延祐四年增爲五楹至元丁丑知府李守中增置櫺星門後值兵燬明洪武六年段嗣輝於原址創建宣德天

順間李志蔣魁繼修宏治壬戌蕩於水張璽創建

於此爲殿七楹正德間趙會劉信相繼修葺嘉靖

三十年知府南逢吉又新之三十四年知府王有

爲三十八年知府陳洪範重修

舊府志

祭期每歲春秋仲月上丁日致祭

以下俱新  
增府志

祭品

牛一 猪六 羊二 兔九 豎鹽十斤

藁魚十斤 魚鹽十斤 劍鹽五斤 芹菹

五斤 韭菹五斤 笋菹五斤 菁菹五斤

黍米一斗五升 稷米一斗五升 梁米一

斗五升 稻米一斗五升 粟十五斤 棗

十五斤 芟十五斤 藁三斤 芡三斤

肩九段 牙香一炷 錠香十五色 禾香

一斗 大燭二對 中燭一百二十對 祭

酒三十瓶  
淨巾八段  
棗餅五百  
粉食  
豚

白牌

膠

祭器

舊有大銅香爐一  
銅爵十一  
錫爵三十一  
大木豆七十二  
銅犧尊一  
銅象尊一  
銅寶瓶一  
新

樂器

舊存大鼓一  
小鼓二  
搏拊鼓二  
琴一  
瑟二  
祝一  
敵二  
麾幡一  
銅鐘二  
磬二  
新頌銅鐘十四  
排簫二  
羽三十  
六  
瓦磬十四  
笙二  
篳篥三十六  
篪二

笛二  
塤二

旌節一對

樂舞

歌章四人  
鐘一人  
磬一人  
琴二人  
瑟二人  
排簫二人  
簫二人  
笛二人

笙二人  
塤二人  
篪二人  
搏拊一人

大鼓一人  
祝一人  
敵一人  
執麾一人



引節一人  
可舞三十六人

### 祭法

先師祭用八簋八豆樂奏六佾祭品如前制  
詩歌則迎神奠幣初獻亞獻撤饌送神各一  
章歲時有司率學官令舞生演習聲容綴兆  
悉依闕里儀制祭之日堂上堂下禮明樂脩  
正獻官行禮四配祭日配先師品惟去太羹  
亦正獻官行禮十二哲祭日同各周四籩同  
豆分獻官行禮兩廡祭日同合四主共四籩  
四豆廼十二哲東廡四十七位西廡四十八  
位共一帛爵三分皆  
分獻官行禮

### 崇聖祠舊名啟聖祠雍正三年改今名

祭日同先  
師品用猪

三羊三猪首四猪肉十二帛九段燭一對榛  
菱芡栗棗各六斤藁魚五斤魚鹽四斤鷄一  
隻牙香半斤末香一斗降香一炷線香五束  
烹渣酒一罈

名宦祠

祀商伊尹周正考父唐裴度宋范仲淹歐陽修晏殊明邱度萬廣周光大鄭三俊成

勇王世琇

國朝李廷楹

鄉賢祠

祀周原憲司馬牛漢申屠嘉申屠剛丁寬唐魏元忠宋戚同文趙槩張方平明徐永

達軒輓濟禮任旺賈時吳伯昂李泰范文德

孟瑛沈瀚伏伯安朱洪沈鯉李熙宋沾楊東

明鄭際明楊楫楊澗曹代蕭揚名時余城田

珍侯執蒲周士樸侯恪許世蓋劉應卜王杼

侯胤楨葉廷桂

國朝宋權

二祠祭期同丁日品用猪二羊二帛二段燭

四對果八盤香二束酒二瓶紙馬二付

關帝廟竝關帝三代廟在府東夔城內每歲春秋

仲月上戊日致祭五月十三日相傳關公生辰亦

設祭祭用牛一猪二羊二素供二桌帛四段

社稷壇在府城外西北一里嘉靖二十九年知府

南逢吉重修舊府志每歲二月八月上戊日致祭祭用

猪二羊二三牲二素供二桌黑帛二段

風雲雷雨山川壇在府城外東南一里三壇皆宜

修飾嘉靖三十年估費僅修北壇西壇而南壇野

祭嘉靖四十二年知府羅復推官羅青宵相繼增

築規制始脩舊府志每歲二月八月上巳日致祭祭用

猪羊各一素供三桌三牲二付帛七段

郡厲壇在府城北一里南逢吉重修

舊府志

每歲清

明中元十月初一日致祭

祭用猪一羊一素供二  
桌三牲二付米山麩山

香燭紙  
酒諸品

城隍廟在府治西嘉靖二十年李應奎重修

舊府志

每年五月二十八日神誕祭

祭用猪羊一素供一  
桌帛一段

八蜡廟在埕澤門外李應奎創建今廢

舊府志

謹按八蜡鄭康成注云先嗇一也司嗇二也

農三也郵表四也貓虎五也坊六也水庸七

也昆蟲八也張橫渠去昆蟲以百種足其數

嘗卽祝辭觀之曰昆蟲毋作正以昆蟲害稼  
祝除之則昆蟲不當祭明甚今之蜡廟通祭  
而神主或宗康成或宗橫渠未歸畫一又考  
王肅分貓虎爲二無昆蟲與百種竊謂迎貓  
迎虎明有分別王肅之說尤爲允洽姑書之  
以備議禮者攷焉

習禮祠在文雅臺側相傳孔子習禮大樹下卽其  
處 國朝康熙六十年知府談九叙建祠爲之碑

記自後每春秋入祀典

新增府志

國朝談九叙建習禮祠碑記

文雅臺距郡城三里許小亭巋然古碣蒼

烈上鐫

先聖遺像凜凜有生氣傳爲唐吳道子

筆也隙地雙碑大書深刻爲先聖邇宋習禮處

堂庶數楹每逢春首爲東郊迎春之所其衰聖也

殊甚予乘乏茲視事之次年因中五臺寺舊有

聖像閑置西廊予心愆焉急爲遷安然屋宇湫隘

稽之隣近如陳州夏邑有弦歌還鄉祠諸名規式

可仿遂卽臺西之堂廡而新之予捐俸首倡都人

士相率欣助鳩工庀材不數月而告竣中設先

聖像配以十哲顏曰習禮東廡設宗聖像配以子

思子公明子顏曰省身西廡設亞聖像配以樂正

子萬章子顏曰性善蓋從舊制也繚垣堅緻丹雘

班駁朱坊碧髻髻几綺寮都人士樂觀厥成復謁

予請記予作而嘆曰大哉聖人之道乎道者所以

扶天理淑人心者也以人心之本來合天理之至

當是所謂禮也世運維持風教遐播未有舍此而

先者卽如代檀削迹桓司馬無禮于聖人而一時

先者卽如代檀削迹桓司馬無禮于聖人而一時

彬雅之氣充溢天地間彼亦無如之何也千百年後經故宋之遠每低徊而不能去豈非禮之入人者深歟若乃塑像之意則更重有感者世之儒冠儒服者誰非聖人之徒乎然而拜如來之座則佞佛叩太上之堂則媚道春秋朔望奔走如織不聞有操瓣香入孔廟者習以成風顛謬極矣俾殫心靜氣之士既畏敬而欽承卽粗浮乖暴之徒一登斯祠不覺其潛消而默奪于是化民成俗之治未必無小補也荀子曰學莫便乎近其人歸州去闕里不遠先聖在天之靈固無所不之也與其想慕于幽遐不若景仰于切近予願與都人士共勉之也已

二賢祠在城東南隅祀原子憲司馬子牛康熙四

十四年邑士宋斌創建并立義塾

商邱縣志

國朝知縣劉德昌二賢祠碑

鄉先生歿而祭于社古禮也後世則建祠

字以祀之孔門之通六藝者七十二人而宋有其  
二原子司馬子是已道以孔氏爲極通其藝者卽  
通其道者也斯二子者甯非宋鄉先生之長歟余  
重纂邑乘定人物諸門而以二子弁諸首別曰先  
賢示異乎後世諸品流也二子祀兩廡已遍海內  
而宋其桑梓地獨無專祀非典之闕歟邑有宋廣  
文先生焮者篤行君子也爲郡縣博士二十餘年  
偶以奉諱還里怒焉厯之與諸生李猶龍張果輩  
謀欲創祠以祀二子慨然出已貲市城東南隅民  
居一區顏曰二賢祠前堂奉木主後舍闢義塾延  
師以訓里中兒之貧不能讀者復捐地一百畝以  
資修脯蘋藻絃誦彬彬出乎其間落成請余記其  
事余伏而嘆曰化民成俗修廢舉墜有司之責也  
今之有司沐于考功之令日夕營營擾擾以簿書  
期會爲政舍是一切置不問二賢祠宇邑有司不  
能爲而宋君爲之邑庶衆不能共爲而宋君獨爲  
之其賢于人加一等矣或謂宋君故巨室其尊人  
明經翁爲相國介弟中丞季父負材幹饒智畧雖



隱居不仕而品望崇高歌鐘甲第甲于一郡今宋君出其翁貲之百一卽足以典曠典而博義聲無難也余曰不然世人襲先世田宅以爲飲博狹邪費者或勿靳矣不爾則守祖父一錢如頭目腦髓肯一介與人乎况以鄉邑公務而一身一家獨肩勿諉乎况吏不迫而友不訶而毅然出而自任乎宋君是舉非識量高遠而身與道俱者其孰能之不惟是也君見諸郡邑城往往建壑文閣形家言九巽峯之隆利于舉子歸郡舊有壑閣隱于城闔且歲久頽敝朱君亦具牒郡縣願改建于城巔其設心積慮惟欲損已以利衆是大公無我之學也如君者不惟謂邦國有人亦且謂宋翁有子余樂其成而牽連書之且銘以詩其詞曰睢陽莽莽宋舊封聖轍常環蒙門東習禮弟子多雍容子牛子思產國中廟廡已享千秋同故里獨闕蘋藻宮南陽先生心忡忡引茲盛典任厥躬卜地城隅計廿弓召將庀材以鳩工經始不日輪奐終神爰馨薦饗饕豐更闢講堂選棧芑造爾小子解醫轅蒙以

養正曰聖功作人之澤維君庸崇墉屹屹有巽峯  
壑文列宿映蒼穹君併峙閣何巖嵒祝士有文振  
國風似君高義誠罕逢樹標畸行俾後宗歲在作  
噩與旃蒙代石鐫泐永勿礮

性善祠在北關外相傳爲滕文公過宋見孟子處  
歷代修以祀孟子明末燬於寇 國朝康熙四十

二年署府衛輝府通判葉于喬立碑記其處

商邱縣志

每年春秋奉祀

新增府志

縣城隍廟舊在回河路久廢 國朝順治十八年

知縣劉之驥創建在府城隍右康熙十九年知縣

朱衣貴因三司廢署改建于南察院之西歲修祭

祀如制

商邱縣志

謹按商邱以郭邑麗郡不別置壇壝故不重

述群祀焉

甯陵縣

文廟在縣治北明正德十四年巡按王以旂檄至  
重修 國朝順治六年生員解正倫母張氏捐貲  
助修康熙五十七年邑貢生路建義重葺貢生孔  
毓昆妻張氏助修兩廡乾隆十年知縣梁景程修

明倫堂凡祭儀如前制

新增府志

祭器

白磁爵三十六 銅爐一 銅爵十三 尊八 簋一百二十

二 簋三十 硯十一 帛篚二十四 簋三十 掛俎二十九

樂器

麾一 排簫二 篪二 金鐘十六 笙二 塤二 鼗一 簫二 節一對 應鼓一

笛二 羽三十六 瑟二 搏拊二 祝一 琴二 玉磬十六 敵一

謹按甯陵縣學所藏禮器皆係乾隆九年新

頒其舊存者惟瑟一張而已

名宦祠

祀漢桓鸞唐張巡劉昌高彥昭王西曜曲環相良器宋苗時中金尹升卿王渥元董

文貞趙壁明蔡祥王孟嘗楊輔王潮石陞熊秉元秦霑劉懋温良岳民庇

鄉賢祠

祀漢田王孫葛龔張遷夏侯詵唐劉師立劉憲五代劉熙古宋劉蒙正劉蒙叟程迥

范仲淹(明)喬恕呂坤苗文英王印喬進璠  
國朝呂慎多呂真知王應登翟三策符希孟  
盧宗泰劉景世李學恕

曹有謨

社稷壇在西關街南

甯陵縣志

祭如制

風雲雷雨山川壇在南關路東

甯陵縣志

祭如制

邑厲壇在北門之西堤外

甯陵縣志

祭如制

謹按甯陵縣志載明初設里社之壇于各里

又有鄉厲之祭制如里社其祭日與邑厲同

今久廢

城隍廟在縣治南明洪武十年始建正德四年知

縣姚文相嘉靖間知縣楊侃林桂相繼增葺國朝  
順治十三年邑士李若星等重修

新增府志

忠孝祠在文廟東南雍正五年建春秋仲月上戊

日祭

新增甯陵縣志

節孝祠在甯陵縣東街北雍正五年建每年春秋

仲月戊日祭

新增甯陵縣志

關帝廟在甯陵南關雍正三年始修祀

新增府志

八蜡廟在甯陵縣西關南乾隆五年署任知縣李

綸建

新增府志

先農壇在甯陵縣治東知縣田松齡倡建雍正三

年修祀

新增府志

鹿邑縣

文廟在縣治東明洪武中知縣韓璣重建其後知縣史學楊應魁相繼修葺 國朝順治六年知縣

閔三元重修

新增府志

祭器

白磁爵三十六

登一

尊八

劍十一

豆一

簋三十

簋三十

簋一百二十二

豆一

百二十二

帛篚二十四

俎二十九

樂器

舊存大鼓一

搏拊一

新頒麾一

玉磬

柷一

敔一

琴二

瑟三

排簫

二笙二簫二篳二塤二篪二

節一對羽三十六籥三十六

### 名宦祠

祀唐張巡明孫忠弼夏保張朝瑞劉一瀾  
紀懋勳王麟

國朝李蔭祖

朱昌祚

### 鄉賢祠

祀周李耳漢虞詡晉陳頴宋陳搏田京魯  
宗道晏某明軒輓李泰王堯日闞自成熊

夢兆闞夢夔

胡順張信賢

### 忠義孝節祠

祠分三楹中楹祀忠烈左楹祀孝行  
右楹祀義行歲以二月八月祭

### 節孝祠

亦分三楹中楹祀孝節左楹祀殉節右楹  
祀守節歲以春秋仲月上戊致祭

社稷壇在縣西門外明知縣韓瓛建藍瑞重修祭

### 如制

舊府志



歸德府志 卷三十八  
風雲雷雨山川壇在縣南一里明洪武三年韓獻

修舊府志

邑厲壇在縣北韓獻修舊府志

城隍廟在縣治東洪武間知縣楊仲徵修正德間

知縣王翰重修舊府志

八蜡廟廢今附祭社稷壇舊府志

劉猛將軍廟八蜡廟旁雍正三年建歲以春秋仲

月上戊日致祭新增鹿邑志

關帝廟在城北門外歲以春秋仲月上戊日及五

月十三日致祭

新增鹿邑志

關帝三代廟在鹿邑北門外雍正元年追封壯繆侯三代皆公會新立廟歲以春秋仲月上戊日致

祭

新增府志

龍王廟在鹿邑城西雍正五年建歲致祭

新增府志

先農壇在鹿邑縣東一里雍正五年建壇前置籍田四畝九分每歲仲春亥日有司率屬及耆老農

官農夫致祭行九推禮

新增府志

夏邑縣

文廟在縣治東南明嘉靖四年知縣劉宗和重修

明季燬于火

國朝知縣尙崇震重建

新增府志

祭器

銅爐

白磁爵三十六

登一

尊八

銅爵三十六

錫豆一

日十八

牲俎二十九

簋三十

簋三十

籩一

樂器

羽三十六

麾一

籥三十六

大鼓一

搏拊二

祝一

玉磬

一敵一

笛一

琴一

塤二

篪二

節二

笙二

名宦祠

祀元薛端商晦

明石原吉程甯可閻普孫

澤雷珂成安宣

祀宋李惟清明梅思祖閻顏楊威朱端陳

世恩陳陞朱良

鄉賢祠

祀宋李惟清明梅思祖閻顏楊威朱端陳

世恩陳陞朱良

忠義祠乾隆十年知縣董榕修

新增府志

節孝祠雍正六年知縣李廷秀建修

新增府志

社稷壇在縣西門外知縣鄭相重修

舊府志

風雲雷雨山川壇在縣南門外鄭相重修

舊府志

邑厲壇在縣北門外

舊府志

先農壇雍正五年知縣李廷秀建

新增府志

城隍廟在縣治西洪武初知縣石原吉建成化間

知縣楊春重修嘉靖丙午知縣鄭相重修

國朝順治年署知縣劉芳顯重修

夏邑縣志

八蜡廟在夏邑縣東門外

舊府志

末城縣

文廟在縣西南洪武三年趙圭建正德十年張繼

祿重修

舊府志

明萬曆七年知縣鄭東昇增置月臺

石檻後石上箴復修 國朝知縣楊祖南周正紀

相繼增葺

永城縣志

祭器

白磁爵三十六 登一 尊八 銅十一

簋三十 簋三十 籩一 百二十二 豆一  
百二十二 銅爵十三 銅爐一 帛筐二  
十四 牲俎二十九

樂器

麾一 排簫二 篪二 塤二 笙二 金  
鐘十六 琴二 瑟二 鼓一 簫二 筒

二 祝一 敵一 玉磬十六 應鼓一  
搏拊一 節一對 羽三十六

名宦祠知縣王笠改建

祀漢陳實宋韓琦張思立元囊加友明張江梅克讓

陳光道趙珪王子齋唐相王鼎喬岱張繼祿  
王笠左思明魏純粹張斗樞孫傳庭宋玫賀  
鼎

鄉賢祠知縣王笠改建

國朝康熙三十六年知

縣耿晉光重修

祀漢邵平張堪隋朱建朱昌甯唐朱仁執宋曹彬朱貴元陳奕明張

麒李懋魏祝王三善陳維精李支揚劉寅丁懋績張治邦王道普魏景琦喬明楷共二十

一人

關帝廟在南門內明知縣傅振鐸建

新府志

社稷壇在縣北久廢知縣王國華重建

求城縣志

風雲雷雨山川壇在縣南

舊府志

邑厲壇在縣北

舊府志

八蜡廟在縣東南知縣王國華建

永城縣志

城隍廟在縣治東南小門街

永城縣志

### 〔虞城縣〕

文廟舊在縣西南今制創自明知縣黃鑄 國朝

教諭梁祚隆知縣李銓相繼重修雍正十一年知

縣張元鑑倡葺邑士許士正等咸助成焉

新增府志

祭器

登一 銅八

尊十一

樂器

麾幡二

旌節二

笙二

笛二

肅二

排簫二

塤二

篪二

琴二

瑟二

羽

簫三十六

祝二

敔二

搏拊二

鼗鼓

一

應鼓一

大鼓一

鐘十六

磬十六

謹按虞城縣志云原設禮樂器後盡無存雍正

正四年知縣唐綏祖捐俸自江南製存儒學

又按乾隆三年新頒各州縣學祭器樂器皆

如闕里典制乃今虞學所藏不特唐令所製

無遺而新頒諸器亦多殘缺嗚呼是誰人之

過與

名宦

祠

祀漢馮魴唐李錫宋劉航章文炳元游居敬明程光遠鄭泰陳全楊廣仁周福王溢



張賢王瑞柳澤折琮盧瓚周芝孫謝夔王光  
先吳朴宗汪瑞謝魁鏡奎黃虎臣郭大治郭  
文顯武孟魁馬體乾潘溥高陸孫接武

國朝劉天池

鄉賢祠

祀漢盛允宋王礪王堯臣趙槩明沈瀚沈  
鯉楊東明田珍范志懋范志道范志標

社稷倉頡商均壇在西關外雍正十年建

虞城縣志

謹按社稷有壇由來舊矣虞城獨以倉頡商

均合稱不經之甚豈以舜子封于虞故以配

社稷耶又列以倉頡何所取義也姑存俟攷

風雲雷雨山川壇在縣南雍正十年建

新增府志

先農壇在縣東南郭外雍正六年建

新增府志

邑厲壇在縣北關外

虞城縣志

城隍廟在縣治西北明司寇楊東明御史范良彥

相繼修葺 國朝乾隆七年知縣蔣光祖重修

新志

府志

八蜡祠在縣北關外並祀劉猛將軍相傳將軍神

司蝗蝻舊八蜡無專祠附祀東關華公廟雍正十

三年知縣張元鑑創建

虞城縣志

謹按猛將軍姓劉名銳或云卽宋名將劉錡

弟常爲先鋒陷敵保土者也初封揚威侯加

封吉祥王相傳其神能驅蝗累著靈異

國初始令有司歲舉祀典

忠義祠在學內泮池東雍正五年

建虞城縣志

節孝祠在東門內雍正五年建

虞城縣志

龍王廟在縣西北

虞城縣志

**睢州**

文廟舊在州治西明知州楊時敏建

國朝順治

十年提學李懷檄知州張元品重修被水患康

熙十年知州程正性始于南城創建馬世英落

其成今所謂新學也

新府志增

祭器

銅爵一百 坩一百 銅登銅十二 銅毛

血盆二 大銅燭十二 對 中銅燭十四 對

銅盞三十 銅豆三十 太乙爐四 中鼎

爐四 小鼎爐十一 大花銅瓶一對 銅

壘洗一對 羹湯碗一 銅酒尊六 銅簋

八 銅簋八 銅象尊五 銅犧尊五 大

鼎爐二 黃布帳一掛 舊銅簋十 舊

銅簋十 舊銅蓋十七 舊銅盞豆六十

錫燭臺九 琴瑟桌各一 錫酒尊三十 錫

盥洗盆一 白磁爵三十五 木簋二十

木簋二十 磁登一 木豆一百十五 木

肉盤十二 大牲俎二十九 木帛匣十二

樂器

大鼓一 中鼓一 大鐘一 小鐘十二

鐵磬十 玉磬十六 祝一 敵一 鳳笛

二 琴一 瑟一 笛二 篪二 塤二

麾二 節二 笙二 簫三十 羽三十

二 搏拊

### 名宦祠

〔宋〕任師中 〔唐〕寇讚 高翼 孫嘉之 席豫 王愿

蒙〔金〕馮元 〔元〕張玘 孟德 王珍 高仲文 〔明〕

陳紹 仲廣 王珣 喻宗 府胡瑞 宋景 彭崑 裴

寮 程應 登王 佐於文 徵張 承恩 成宰 郭鼎

忠 張問 禮劉 文會 楊爲棟 汪嵩 王珀 陳貴

李傑 宗昇 林侃 謝獻 駱億 林欲 厦

蔡黃卷

### 鄉賢祠

〔漢〕衛茲 〔魏〕衛臻 〔晉〕衛京 〔後唐〕張廷蘊

〔後晉〕張誼 〔宋〕張去華 鄭雍 張師德 郭贊 許

翰 許顥 許忻 〔元〕孫德謙 單元陽 單朝陽 單

守陽 〔明〕劉儀 夏忠 周甯 李孟 楊尙綱 朱謙

高安 柳多 李孟 眭朱 宗蔡 晟張 雲鵬 劉淮

楊蔚 蔡天祐 劉國翰 魯邦彥 張士豪 張一

霽 孫坤 劉煥 李汝華 袁大德 趙夢星 張正

學 袁可立 傅性敏 李夢辰

〔國朝〕劉三光湯祖契

王震生

社稷壇在州北門外一里

舊府志

風雲雷雨山川壇在州南門外二里

睢州志

郡厲壇在州北門外一里

舊府志

城隍廟舊在州治西北明末圯于水移于南城大

街舊察院遂建廟于此

睢州志

八蜡廟在州北關後移小南門康熙二十六年知

州馬世英建

睢州志

旗纛廟在睢陽衛治後

舊府志

今廢

關帝廟在新西門內宋崇甯時建春秋之祭恒王

此睢州

志

考城縣

文廟在儒學前明知縣李岱建 國朝順治九年

知縣劉愈竒重修康熙年間知縣劉際昌教諭王光

臯相繼修葺

新增府志

祭器

百磁爵三十六 銅爵三十 登一 銅十

八 簋三十 簠三十 籩一百二十二

豆一百二十二 日筐二十四 牲俎二十

九

樂器

麾一 節二 金鐘十二 玉磬十六 琴

二

瑟二

塤二

排簫二

笙二

笛二

蕭二 笈二 鼓二 搏拊二 柷一

敵一羽三十六 籥三十六

名宦祠

祀漢王渙宋燕肅明方正王理李敬寧文光馮尙湯九星蔡仲楊獻章劉泮

鄉賢祠

祀漢仇覽史弼晉蔡充蔡謨宋蔡廓蔡興宗蔡約蔡樽陳蔡疑梁江夷江湛江敷江舊江祿江紆江摠齊江秉之江淹范岫江悅之江革江德藻江子一蔡景歷蔡徵江泌宋劉隨傳求明底蘊董漢儒樊均孫洙寧嘉猷陳所聞寧嘉會

社稷壇舊在縣西小堤知縣況澄因水患移建西

郭舊府

風雲雷雨山川壇舊在縣南小堤況澄移建南郭

舊府

志



邑厲壇在縣北小堤外

舊府志

城隍廟在縣治西南明末燬于寇知縣楊啟元重

建 國朝康熙十九年知縣劉際昌重修

考城縣志

八蜡廟在社稷壇東久廢

考城縣志

### 柘城縣

文廟在縣治東嘉靖三十五年知縣姜壽改建

國朝康熙二十四年知縣閔英瑞重修

柘城縣志

祭器 舊存錫豆一百四十 木豆一百五十 銅爵三十六 新頒銅爐十 白磁爵三十六

登一 尊八 銅十一 木豆一百五十

銅爵三十六 錫豆一百十八 簋三十

蓋三十 籩一百二十

牲俎二十九

樂器

舊存笙二 笛二 簫二 琴二 瑟二  
塤一 篪一 搏拊一 祝一 敔一 鐘

一 磬一 鼓一 引節各一 新頒麾一

羽三十六 籥三十六 金鐘十六 玉磬

十六 大鼓一 搏拊二 琴一 瑟一

簫一 笛一 排簫二

名宦祠

祀唐李仲華元孫旭劉承事劉德新明王  
智梁祖榮周宏朱佐高舉壘僊張茂

鄉賢祠

祀三國梁習元陳思濟明霍時雨楊睿梁  
渠曹進善陳文詩張惟義王三槐

國朝王應昌王依書竇如珠

李艷松

社稷壇舊在城西門外久廢今建新城西南隅  
城柘

縣志

風雲雷雨山川壇在城南

舊府志

邑厲壇在北門外

舊府志

城隍廟舊在縣治西南明知縣王智建嘉靖中圮

于水知縣姜壽重建于新城

柘城縣志

八蜡廟在城東三里

柘城縣志

謹按明初設里社之壇於各里其祀物取諸百家之約會以祈豐報成又有鄉厲之祭其日與邑厲同而制如里社以祈民庶安康孳畜蕃盛今柘邑已無行之者

歸德府志二十九

祀典畧下

諸祠廟

帝嚳廟在府城南高辛里宋開寶六年建元天厯

間修明正統七年知州顧琳重修

舊府志

魏曹植帝嚳廟贊

祖自軒轅立囂之裔生言其名木德治世撫甯天地神聖靈實

教訖四海元苑溟帝嚳廟碑

睢陽南四十五里有岡阜蟠踞峽嶮實古

明並日月高辛之墟上有古城城北有古丘丘之陽有帝嚳之祠祠前有二碑其一宋開寶六年其一金崇慶

元年聞諸故老石刻尚多皆燬于金季史記云高辛地名因以爲號嚳名也載諸史牒歷代祀典可

尋其殿宇歲久圯壞雖常有修之者皆弗克就干  
是張信等相協傾貲因其故址鳩工遴材創建正  
殿三間基址壯大棟宇宏敞輪奐炳燿聖像增新  
冕旒顯若仍圖八元東西華幕八筵罔不畢備始  
構于大厯己巳仲秋落成于至順辛未季春叅政  
睢陽王公仁齋命掌書荏溟作文以紀其實竊謂  
帝之德業世系廟之沿革廢興前碑考之詳甚茲  
不復載敬作迎送神辭二章貽鄉人歌詠使興起  
敬慕之誠俾無怠也辭曰帝之來兮乘蒼龍赤豹  
先戒分黃羆從衣丹霞兮烜赫佩明月兮玲瓏惟  
帝陟兮茂禎福惟帝格兮祲災凶翔龍旂兮日下  
渺鸞輅兮雲中沐蘭浴華兮弱質歛芳食菲兮愚  
衷歛參差兮奏疏越擊玉磬兮叩金鏞舞靈巫兮  
媚嫵奠桂醕兮芳釀帝之來兮不來千秋萬歲兮  
故宮帝之去兮駕玉蚪畢方並轄兮飛廉騶節煌  
煌兮捐金玦鑿殘燬兮還瓊軒惟帝福兮雨暘若  
惟帝威兮疵厲瘳立冕拱兮豐樂翠華竦兮隱憂  
蚪召泉兮清酌采澗蘋兮潔修築蘭宮兮桂室張

蕙幌兮荃綱仁爲樽兮義爲俎忠爲肴兮  
誠爲羞帝之去兮不去千秋萬歲兮神州

闕伯廟在商邱之巔金元建王母祠于上大德間

提舉范廷璧改建今廟明嘉靖三十四年知府王

有爲重修

舊府志

今以孟夏上丁祀

商邱縣志

按大火之祀康定初南京鴻慶宮災集賢校理胡  
宿請修其祀而以闕伯配焉禮官議國家有天下  
之號實本于宋五運之次又感五德宜因興王之  
地商邱之舊爲壇兆祀大火以闕伯配建辰建戌  
出納之月內降祝版留司長吏奉祭行事壇制高  
五尺廣二丈位牌以黑漆朱書曰大火位配位曰  
闕伯位牲用羊豕一器準中祀歲以三月九月擇  
日令南京長吏以下分三獻州縣官攝太祝奉禮  
建中靖國元年又建陽德觀以祀焚惑謂祝融既  
建上公則闕伯亦服上公衮冕九章之服既又于

赤帝壇壝外令有可以時致祭增用圭璧火德熒  
或以闕伯配俱南向五方火精神等爲從祀乾道  
五年設位望祭應天府大火以商邱宣明王配緣  
以宋建號以火紀德推發祥之所自崇建商邱之  
祠府曰應天廟曰光德  
加封宣明王追崇脩矣

宋元侯有造闕伯祠記畧

睢陽古宋地本帝嚳高辛氏子闕伯所居之商

邱邱距城三里許高八十尺周二百步邱之精氣  
上應列星世稱闕伯臺卽是邱也郡乃辰宿之分  
伯遷此主其祀此帝王世紀春秋杜預之論也陶  
唐氏以爲火正曰伯者所以有功而食其墟商邱  
祠宇在照碧堂之西此晁補之之手筆也伯火官  
掌祭火星行火政後世以爲火祖相土契之曾孫  
代伯宋其後也此事物紀原胡宿之策也爰三紀  
所載與預宿諸儒之論考之帝嚳都于亳陵廟咸  
在近郊距是邦餘一舍世號高辛里歷亘古而不  
易夫伯固帝之子黃帝五世孫聖裔也唐堯亦帝

之子以火德王而伯壬辰祀迺聖德也聖德聖裔  
血食一方固無疑矣後之作者不失商邱福祀之  
舊舉是祀者稽乎此制遵乎此典庶幾可也祠廢  
壬辰之變其所存者惟邱耳後人不稽所以然之  
故遂建王母祠于其上逮至元大德間相國史公  
開封子隸知此郡今翰林院侍讀學士李銓爲府  
倅前太子諭德趙惟新判歸德語翰林國史院編  
修官江漢高郵幕官劉滋內翰李暉傷流俗之謬  
舉亟命以闕祠易之凡數年終輟前論後又歷年  
三十餘載江西行省叅知政事王公仁亦嘗語郡  
之右族以伯祠興復爲託未有以應之者建康財  
賦提舉范君廷璧聞公之論奮然力爲建祠三楹  
于是邱絕頂徙王母祠于邱麓不煩有司不勞民  
力凡棟桷檣題之用工匠百色之需像設如制器  
血咸新凡用寶  
鈔皆廷璧已貲

明侯恪秋日登闕伯臺詩

闕伯臺高遠瞰城霞  
萬樹倚孤清我來正直



鴻初到風至不堪葉乍橫菟苑烟深村巷寂武陵  
花盡野溪晴登臨剩有筇枝健五岳何煩愧向平

國朝

劉德昌詩

崇臺凌百尺禪祀歷千秋帝子炎  
輝遠高辛世澤優豐碑雲際立遙

郭望中收舊是龍

劉臻詩

望古生幽興登臺意不  
降亂雲埋小檻疎樹點

輿地坤靈鍾此邱

晴隄地敞盤蛇徑

天空插繡

幢有陵皆變谷獨此壓鴻龐

查岐昌詩

房心分野

爵宣明配祝融一代典王推五運九章上服視三

公荒壇尙識朱書古廢殿誰論赤帝崇小縣名從

至祀在千年  
火正紀神功

火星廟在府城內東北

舊府志

伊尹廟在府城東南四十里伊尹墓前元巡檢李

士良率鄉耆卞温等創建明經歷周某捐金增修

舊府

志

**元侯有造重建伊尹殿記畧**

穀熟之南舊縣卽古亳故墟圖志散亡無

存考証亦不知何代所建兩城之間有塚畝餘三十之廣世爲伊塚塚前建祠祠設有像卽古廵檢李士良率鄉耆卞温等創建歸德總府歲遣官致祭亦嘗奉詔非常祀也**張元忠伊尹**

**墓祠記畧**

穀熟昔爲名鎮乃三亳故墟之一外紀所載伊尹歿帝沃丁以禮致葬于亳卽

其地也世傳伊墓在焉其墓周圍廣數十畝岌若重岡雖經河患陵谷變遷未嘗湮沒况金元縣治之碑其迹不泯表其南門曰瞻聖門蓋以其墓奠于南故也先以縣事併入睢陽惟茲地以廵檢領之適開封李士良任是職鎮是土警捕有方而人民無擾常以舉廢興陞爲務初境內有甯得鄉帝譽氏之陵廟在焉土俗因以地名目其鄉曰高辛鄉士良以爲上古帝王之名以爲鄉邑之號良所

未宜移文有司復爲甯得鄉又以伊墓在茲不爲廟貌何以瞻仰于是首捐已俸採訪未備倉使趙義里人卞温鳩工聚材構祠于墓所考循禮制敬設聖儀俾四方之人有所欽崇此吾儕勇于爲義者也夫聖德聖謨載諸經傳炳若星日與天地相終始豈一卷石可述也雖然三代以降數千載之下不有是祠曷以知聖人所以爲聖人數千載之下不有是祠曷以知聖人之享血食于無窮也誠可嘉尚于

**明范崇儒詩**

藏三聘重蘋藻萬年香月掛

蒼蒼樹詩題短短墻躬耕人去遠莎草映堦長

**國朝陳錫輅詩**

舊是高辛里猶傳古亳方餘風存畎畝樂事話耕桑聖德千年在叢

祠四野荒我來瞻廟貌祀典歲時將

微子廟一名象賢祠在舊城內三仁街明宏治中

巡撫徐恪疏請以春秋致祭知州周誥因舊址拓  
焉舊城既圯嘉靖六年提學副使王應鵬以前提  
學蕭鳴鳳所毀尼寺改建今廢 國朝康熙二十

年知府胡國佐重修

新訂府志

唐賈至微子廟碑

昔者高宗既歿殷始錯命政有  
數倫敗紀事有梗神褒天迄于

獨夫積慝乃稔五庚不化茅土再血元鳥之祀宜  
其忽諸噫湯之德不衰故微子復興于宋矣微子  
名啟實帝乙元子帝乙懽賢之故而神器不集于  
君君肅恭神人格慎克孝才兼八元之偉德首三  
仁之列始在擇嗣箕子贊焉尹慈東周公嘉焉歿  
而不朽仲尼稱焉觀其進思盡忠則忤主以竭諫  
退將保祀則全身以逃難去就生死之塗沉吟出  
處之域有以見聖達之情也若乃受爲不道暴殄

天物剖諫輔之心解忠良之骨億兆墜于塗炭宗  
祧困于鞬晚而君崎嶇險阻避跡藏時免身龍戰  
之郊解縛鷹揚之帥卒能修復舊物統承先祀七  
百餘年歆我神祇非明德至仁其孰能與于此於  
戲國之興亡不獨天命向使帝乙捨受而立啟前  
箕子而後少師則文王未可專征于諸侯武王未  
可誓師于牧野雖周公之聖不過子產之相矣太  
公之賢不過穰苴之法矣是太王立季歷而昌帝  
乙捨微子而亡成敗繫天不其昭彰乎皇帝二十  
有一載子作吏于宋思其先聖遺事求于古老輿  
人則得君之祠廟存焉盛衰紛綸年祠超忽喬本  
老矣靈儀儼然檀樂茨墜者月繼蘋藻牲幣者日  
接何百代之後而仁風獨揚乎留連廟庭乃作頌  
曰天革元命皇符在木元天降災上慘下黷人怨  
神怒川崩鬼哭赫赫周邦如臨深谷遄矣微子逢  
時顛沛居亡念存處否求泰諫以明節仁而遠害  
作告父師全身而退龍戰于野烏焚其巢桓桓周  
王奄有商郊面縛就執牽牛投庖祀商修器啟宋

分茅嗟爾宋人來蘇是仰穆如雨潤霽若春養以  
戴以翼是宗是長茫茫舊封千載餘響我來祠廟  
永挹遺芬荒堦蔓草古木垂雲惆悵  
懷賢徘徊日曛鑄石紀德用流斯文  
宋杜衍微子

廟頌

肇公孫之璇源兮元鳥降而生商並禹湯之  
聖賢兮實惟桓撥之王厯媯妣之世數兮道

日躋于我湯始伐罪于仇餉兮人嗟怨而後來顧  
寬仁而宜民兮天俾式于九圍諒除殘而代虐兮  
猶云德之有慚賴燕翼于孫謀兮治克舉于三宗  
老成不怨于不以兮隱處不傷于厄窮世四十有  
六而下衰兮豈天命之將墜寔遭家之不嗣兮顧  
麗色之惟微念社稷之顛傾兮七廟無所憑依帝  
眷在于有周兮抱祭器而焉歸雖白馬之見廟兮  
聊血食于商丘傭夫子之一言兮誠有取于三仁

明李嵩詩

殷闕久禾黍上公宮在茲土茅周代典  
香火宋人思蹟想存宗祀情憐去國時

蕭蕭古祠栢  
風雨鎖殘枝

國朝查岐昌詩

抱器心清永令譽於今廟祀話周初一身修禮賓王後十世爭盟霸

國餘星貫風飛仍宋地黍油麥秀幾殷墟幸山符命空陳迹不及西離頌有且

莊子廟在府城南二十五里小蒙城今廢

舊府志

宋蘇軾莊子祠堂記

莊子蒙人也嘗爲蒙漆園吏没千餘歲而蒙未有祀之者

縣令秘書丞王兢始作祠堂求文以爲記謹按史記莊子與梁惠王齊宣王同時其學無所不闕然要本歸于老子之言故其著書十餘萬言大抵率寓言也作漁父盜蹠胠篋以詆訾孔子之徒以明老子之術此知莊子之粗者余以爲莊子蓋助孔子者要不可以爲法耳楚公子微服出亡而門者難之其僕操箠而罵曰隸也不力門者出之事固有倒行而逆施者以僕爲不愛公子則不可以爲事公子之法亦不可故莊子之言皆寔子而文不子陽擠而陰助之其正言蓋無幾至于詆訾孔子

未嘗不微見其意其論天下道術自墨翟禽滑釐鼓蒙慎到田駢闕尹老聃之徒以至於其身皆以爲一家而孔子不與其尊之也至矣然余嘗疑盜蹠漁父則若真詆孔子者至于讓王說劍皆淺陋不入于道反復觀之得其寓言之意終曰陽子居西遊于秦遇老子老子曰而睢睢而盱盱而誰與居太白若辱盛德若不足陽子居楚然變容其行也舍者將迎其家公執席妾執巾櫛舍者避席揚者避竈其返也舍者與之爭席矣去其讓王說劍漁父盜蹠四篇以合列禦寇之篇曰列禦寇之齊中道而反曰吾驚吾食于十漿而五漿先餽然後悟而笑曰是固一章也莊子之言未終而味者勦之以入其言余不可以不辨凡分章名篇皆出于世俗非莊子本意

孝烈將軍廟在府城東南營郭鎮北一名木蘭祠

鄉人歲以四月八日致祭蓋孝烈生辰云

商邱縣志



木蘭詩

唧唧何唧唧木蘭當戶織不聞機杼聲惟聞女歎息問女何所思問女何所憶女亦

無所思女亦無所憶昨夜見軍帖可汗大點兵軍書十二卷卷卷有爺名阿爺無大兒木蘭無長兄願爲市鞍馬從此替爺征東市買駿馬西市買鞍韉南市買轡頭北市買長鞭朝辭爺爺去暮宿黃河邊不聞爺娘喚女聲但聞黃河流水鳴濺濺且辭黃河去暮宿黑山頭不聞爺娘喚女聲但聞燕山鐵騎鳴啾啾萬里赴戎機關山度若飛朔氣傳金析寒光射鈇衣將軍百戰死壯士十年歸歸來見天子天子坐明堂策勲十二轉賞賜百千強可汗問所欲木蘭不用尙書郎願馳千里足送兒還故鄉爺娘聞女來出郭扶相將阿妹聞姊來當戶理紅粧小弟聞姊來磨刀霍霍向豬羊開我東閣門坐我西閣床脫我戰時袍着我舊衣裳當窻理雲鬢對鏡貼花黃出門看火伴火伴皆驚惶相隨十二年不知木蘭是女郎雄兔脚撲朔雌兔眼迷離兩兔傍地走焉能辯我是雄雌

元侯有造孝烈將軍祠像辨正記

將軍魏氏本處子名木蘭毫之

譙人也世傳可汗募兵孝烈痛父髦羸弟妹皆稚  
駭慨然代行服甲冑韃藥操戈躍馬馳神攻苦鈍  
剄戎陣膽氣不少衰人莫窺非男也歷年一紀交  
鋒十有八戰策勲十二轉朝覲天子喜其勇攻授  
以尙書隆寵不赴懇奏省親擁兵還譙造父室釋  
戎服復閨粧舉皆驚駭咸謂自有生民以來蓋未  
見也衛兵振旅還以異事聞于朝召復赴闕欲納  
官中將軍曰臣無媿君禮制以死誓拒之勢力加  
迫遂自盡所以追贈有孝烈之謚也至治癸亥冬  
歸德幕府官孫思榮來自完州附郡儒韓彥舉所  
述完志以謂古完廟貌凡五比歲毀其一今所存  
者尙四歲遇四月八日有司率耆士邦民大享祀  
焉神貺靈異有禱卽應此海內共傳者也徵將軍  
以勞定國有大功于一方之民數百年之下斷斷  
乎不得預祀典享血食此元儒故太子贊善劉廷  
直所撰完碑睢陽境南東距八十里曰營郭卽古

毫方域孝烈之故墟也亦建祠像土人亦以四月八日致祭乃將軍生朝沿習古老之云也故國子助教馬利用王克明時尉城父考之墟石刊志乃金源太和間敦武校尉歸德府穀熟縣營城鎮酒都監烏林荅散忽刺重建大殿獻殿各三間創塑神像侍人有七題額不曰孝烈而曰昭烈不曰將軍而曰小娘子復以將軍之名悞爲宰相之姓將軍所自出誤稱宰相之女皆非也其興廢起墜祠存像在後世因之奉祀不廢禮宜附書况將軍之父乃潛德力農兵明矣踵此訛傳不卽釐正切爲庸俗之惑殆非一方崇神之意元統甲戌曲陽梁君思溫尹睢陽力贊耆老湯德等捐已財鬻石于山求文備工凡用寶鈔二千五百貫遂有正名定論器識之高非淺見所能企及也歸德府倅中山馬公德麟聞茲善舉懇謂余言將軍塚廟居完城東者所謂五廟之一孝烈遺骸安厝此塚距吾家九十里其廟刊木爲像烏帽紅顏服紫腰金神目電爍儼然如在其上歲遇旱澇失常有禱卽應邦

人輦致降神盤桓木面驅人風飛吾目擊顯靈如此今德垂老明正典牧未遑之舉神之鑒佑子孫其昌乎愚率德瞻拜祠像乃冠佩閨粧與完像不同適定符契前辭著我舊裳之句德謂衆曰木蘭祠固云然也孝烈既受封謚大享廟食願以命工增塑將軍之像莫安獻殿不易正像之塑庶幾兩全之耆庶贊美不已繪師楊德卽歸德人也昔有自備金碧粧鑿神像之願今聞湯氏復有此論響應結終其製此善事收功不謀而同蓋以良心之發故也鄉士劉宗本文學史黻孝義卞温土人趙輝拔以德之虔心以文見徵謀及倅尹二公遂更扁曰孝烈將軍之祠庶契完制不失奉神之正愚按木蘭辭形容孝烈始終盡矣近代名公祗云某代所作其將軍勲烈未及也考之詩選正宗以無名目之惟先尊縉山先生家藏宋儒陳仁王德翁詩統列于隋詩之下况此辭唐朔方節度使韋元甫始得于民間可汗之稱始自突厥今辭有可汗等語意韻殊古當是隋初所作信斯言矣又我元

秘書監古今樂錄亦云元甫雖隋雖然愚嘗論之  
可汗卽突厥帝號突厥世居朔塞始見晉武之史  
將軍譙人譙卽今亳州也校彼去此何啻數千里  
之遠辭云黠兵問欲皆稱可汗不書華夏國號何  
哉沿流求源遍考國史隋恭帝義此地突厥立劉  
武周爲定陽可汗又立梁師都爲始畢可汗國號  
梁改元永隆師都乃迎突厥居河南之地是故此  
境之兵稱隸可汗之繇也復以宋儒程泰非隋卽  
唐之論擬之蓋得其世代矣况孝烈追贈乃唐之  
謚贊詠詩什杜牧首倡殊無唐儒之前作者決以  
將軍之爲隋人無疑然以前辭爺娘者三稱女者  
五稱本蘭者四稱兄妹稱兒者二至于開閣坐床  
脫袍著裳雌雄之辨稱我者五形容孝烈肺肝呈  
露詳玩此辭疑卽將軍自述曷以言之歷代女子  
凡立名節于天地間名不死者無此間世超異之  
才必無此出類拔萃操烈必不能建不世出戰敵  
之功而享廟食無窮者也管見之愚未敢爲然容  
候知者訂正可也雖然大丈夫立斯世也其負英

雄豪傑之氣立奇節建大功垂名不泯者世豈乏人蓋薄夫戇懦夫鄙強悍者陷于惡庸魯者流于蠢萬一而遇父兄之嚴師友之教以義理薰陶其性情以詩書增益其聞見其能變化氣質去戇變惡易蠢改庸者尙不一二見之况涉世之間處世之變竟不知死節之義爲何如良可悲耳夫孝烈心生長閨闈當隋末兵爭之世三世微將軍處山嶽不拔金石不易何以建亘古未有之功天地始終之烈也今幾千載凜凜如生惡者聞風而感化變強悍而爲純良蠢者慕德而改轍易庸俗而爲剛勇俾薄夫敦懦夫有立志豈啻建功立節超越古今烈女之右實可爲丈夫碌碌于世無能爲之流之深

**唐杜牧詩**

彎弓征戰作男兒  
夢裡曾經與  
畫眉幾度思  
歸還把酒拂雲堆

上祝  
明妃

**國朝徐作肅詩**

遠郭東南孝烈祠  
木蘭桑梓記隋  
時倉皇戍檄摧窮老  
慷慨中閨有

健兒鐵甲擐來雜佩冷鸞書絕去令威  
遲千年血食瞻靈爽伏臘金支宛宛披  
陳交組詩  
聞說蛾眉勇冠軍彎弓躍馬建殊勲十年血戰生  
全父一片貞心死謝君別有英稱崇廟號不勞彤  
管馮靈芬西川更憶黃  
楊文瀄詩將軍女兒身戎  
崇報千古雙竒武共文  
裝雄且武不是  
愛從軍代父心良苦將軍從軍十二年迷離撲  
朔草如烟歸來且喜高堂健持壁還親更可憐  
查  
岐昌詩  
帕首弓腰出閣姿蒼涼營郭紀完理俯憐  
弟妹辭家遠仰答君親矢節竒世上幾曾  
留姓氏人間那復辨雄雌女郎  
贖取花名在歲歲春風一度吹

協忠廟在府治西祀唐張巡許遠以南霽雲雷萬  
春姚閭賈賁配宋大觀中表其廟曰協忠世稱雙  
廟金季兵燬元至元間柴叔武徙南城上明永樂

間改徙州治東宣德元年知府李志奏入祀典宏

治中淪于水正德初徙祠今地嘉靖八年知州王

侑新之三十八年知府陳洪範增修明季燬于寇

國朝順治十四年知府邱正策重修舊府志康熙四

十二年署府衛輝通判葉于喬重修新增府志

**元徐琰重建睢陽雙廟記**唐張許死節廟食睢陽以南霽雲配世稱雙廟

者是也歷代贈官皆至州大都督旣而增祀賈賁雷萬春復稱五王廟宋大觀中賜爵侯謚巡忠烈

遠忠義霽雲忠壯賁忠濟萬春忠勇而表其廟曰協忠紹興中因鹽官有忠義侯廟詔許增祀如睢

陽又合東平太守姚閻以配並賜爵上公其于褒忠勵節至矣睢陽廟舊在城南七里所金末河南



被兵蕩燬無孑遺邑之耆老相與謀欲搆故基以  
祀張許前後數十年不潰于成至元二十有六年  
主簿柴叔武率里人好事者以爲城南去人遼遠  
香火不便卜地于睢陽城中面照壁堂而爲之祠  
介前歸德府判監察御史王茂來問古稱雙廟張  
巡許遠而已旣以南配又增賈雷往制如此今龔  
而復之于義何如仍乞文以記余謂自古當大患  
難立大名節非一手足之所能致奔走先後品量  
巨細人人雖殊而趨事赴公之心捐軀報國之志  
則一而已祀此遺彼後何以勸况二君孤危之際  
嘗欲割肌以啖衆分所愛之肉以享士同甘苦共  
死生之意何如若尸而祝之薦裸寅潔來歆來享  
風虎雲龍其必景從上下四方也無疑遠稽唐文  
近徵宋禮俾有位而得祀者咸秩焉柴叔武之舉  
不爲過嗚呼事有不切身者而興懷人有不同時  
而共憤是可觀也已余義之而有感焉睢陽死節  
三十六人史稱甯陵之功別將二十有五後皆從  
巡死難而姓名之可見者僅二十有一祀又弗及

今祀于廟者纔六宅所遺落者亦多矣夫幾廟忠義之寄也將以啟天下忠臣義士之心也錄張許而不盡見諸將固爲唐之史氏惜修祀典而不敢遺數公余猶爲天下國家幸舉不祀不足爲諸公毫末輕重而增一祀則于天典民彝于鈞也嗚呼是役也有足書者而余有感焉歐陽公錄死節五代僅得三人其難如此世變日下安得搜

**明羅汝**

**敬重建協忠廟記**

士之致身當時以能食百世使人不亡者必其行義足以勵俗

智謀足以尊主庇民也若歸德州之協忠廟祀者其庶幾乎歸德唐之睢陽郡爲江淮保障爲關陝襟喉安史扇妖河北州郡悉能羸靡惟真源令張公巡以其仗節之衆赴郡守許公遠相與力保孤城以遏賊鋒蓋以睢陽存關陝可固東南可保而中典事績可圖也方此之時控弦之寇累十萬而睢陽疲卒纔數千孰不以爲城破猶反掌况望其能匡復唐室者乎二公同心同力奮不顧身城存

與存城亡與亡于是果出奇計以阻亂畧雖力殫  
城陷身斃逆妖而再造之業寔基于此報功以祀  
宜矣或曰二公之功固鉅矣第剪滅凶醜于二公  
既死之後再造唐室乃李郭輩百戰之餘爲可惜  
耳噫是豈足與論成敗之數耶夫再造之功非成  
于成功之日逆妖之破非破于俘馘之時向使睢  
陽失折衝之機則妖騎長驅東南板蕩彼四節度  
者且不能取睢陽雖李郭安能廓清寰宇哉矧二  
公既死而不亡有如是夫祀以報之誠宜也同赴  
二公之難時則有若南雷姚賈皆一時人傑知有  
廟舊在城南七里許元至元間以兵燹之餘廟無  
子遺主簿柴叔武乃卜地移置城南近僉事劉君  
咸州守李君志指揮趙君勝偕僚屬以下乃相地  
州治東捐貲以徙焉榆林朱君孔易大書協忠廟  
三字完飾宏敞輪奐一新既落成郡人鴻臚卿徐  
君永達徵文以志顛末嗟夫二公之忠誠在天地  
二公之勲名在史官所不必書若夫所以尊主庇

民而砥礪名教者固不可遺也姑著之麗牲之石  
如此且系之詩俾祠者歌焉詩曰在昔阿莘機闕  
克唐室有半淪妖風茅孽狂蕩騰逆蹤二十四郡  
誰其雄人豪挺特張許公協德比義嬰孤塘斬梟  
織蟻摧逆鋒力幹綱紀天無功崇功報德元祀同  
城頭雙廟褒典崇邇來徙吉州治東靈耀益振秩  
益隆民康物阜年屢豐景貺攸

宋盧襄協忠廟歌

萃昭精忠翠珉有刻垂無窮  
強敵倚劍摩崆峒范陽兵火燒天紅潼關失守大  
將死鑿與播遷岷峨中貔貅兵象照水雪戈頭盡  
是生民血鯨海揚波魚鱉腥中原盡作天山月二  
公擐甲怒攬槍極鬪軍前背皆裂食窮愛妾膏斤  
斧愁蹙蛾眉氣如縷花鈿寶髻誰復收壯士相看  
泣如雨霜刀抉齒肉未寒再造皇家有英主雄心  
義骨填溝壑不得生榮肩李郭論  
梅堯臣詩八月  
功初上鵝鵲樓圖形已入麒麟閣  
都泊舟雙廟側永懷此忠良遺烈傳碑刻五位儼  
朝裾千年同血食當時多苟生貴爵曾誰識縱令

有丘墳都已荒荆棘古人非輕死于義寔罕得英  
骨化埃塵令名同鳥翼飛翔出後世景慕無終極

豈若目前榮未沒聲已息

**元王暉詩**

鐵舉動地來  
獵火燼九縣

西登孝王城王氣由邦國  
睢陽東南衝江淮國所援蔽遮使不前再造可立  
見二公明此機死守誓不變雖危所保大如蝮螫  
解腕最難結衆心存沒匪石轉彼蒼界全節誰爲  
落賊便已矣君不忘握瓜掌爲穿竟能濟厄運淮  
海了清奠至今忠烈氣皎皎白日貫賀蘭觀成敗  
不飲浮屠箭殺亡計多寡比論誠可辨我來拜遺  
像凜凜如生面乞靈激懦衷剗决鋼同鍊朔風  
吹樹聲尙想登陴戰暮倚暈月城悲歌淚如霰

**高啟詩**

維昔天寶末好孽惑君父雄邊委強兵遺  
患同養虎叛聞遽西幸骨肉棄榛莽河北

二十州義士誰禦侮兩公起誓衆慟哭告元祖橫  
身遏其衝江淮保安土孤城無全堞百戰霜月苦  
力窮援不來嚙指罵益怒殘日兵饑疲秋風仆旗  
鼓男兒不生降一死貫今古故鄉有遺廟俗祭巫

屢舞丹青網塵中爽氣猶可覩嗟今屬喪亂戎馬  
正旁午臨危肯捐軀如今未多數獨立爲悲傷斜

陽下

李東陽睢陽歎

將軍有齒嚼欲碎將軍有背  
血成淚生爲將星死爲厲盡

寒 是山川不平氣二人同氣金不利天與一城爲國  
蔽強兵坐擁瞑目視孝子忠臣復誰是千載功名  
亦天意君不見河 顧祿詩 烟塵蔽天天爲昏漁陽  
南節度三日 突騎如雲屯潼關一破

勢莫遏萬乘夜出延秋門當時列郡無男子拜降  
跪伏爭趨奔惟公獨能奮大義西望峨眉憂至尊  
領兵哭廟守孤境視賊已欲胷中吞江淮保障身  
所任褻瘡百戰酬君恩忠心昭昭耿日月壯氣凜  
凜摩乾坤可憐力盡援兵絕血書無處箋天關闔  
邱雖亡事何及賀蘭不斬冤誰論朝廷尙幸錄死  
節褒功贈爵如生存睢陽城下見遺廟丹碧晃  
耀明朝瞰客行下馬酌卮酒彷彿想吾歸來魂

國朝陳履中詩

保障江淮地千秋吊國殤精誠齊  
貫日廟食共流芳故壘餘荒草靈

旗映夕陽好雄多  
少過會否細思量  
陳錫輅詩在讀忠臣傳來尋刺

乃報君王破廟碑文斷孤城草  
史堂生難同逆賊死

樹荒承平吾自幸民俗正繁昌  
劉文蔚詩齧齒遺

森廟貌深危疆留大節厲鬼有同心碧血藏  
峽在陰

幽草哀情啼暮禽到來瞻拜客雙淚盡盈襟  
查岐

昌詩一城斗大元難守百戰兵危豈易全不是昌

弟節抗中原死後先他日協  
楊文瀄詩斗絕援兵

忠猶有恨誰將三十六人傳  
外孤城百

戰窮遺民咸慷慨裨將總英雄南作江淮

障西成李郭功我來瞻廟貌霜氣肅晴空

雷將軍廟在府舊城南三里祀唐雷萬春相傳卽

將軍面中六矢處商邱縣志

旗纛廟在歸德府衛治內舊府志今廢

顏魯公祠在府城南一里唐開元寺址有顏真卿書田神功報德記石幢存焉明嘉靖二十九年巡按王楠爲立祠明季燬于兵 國朝大學士宋權

重修

舊府志

明喬世甯顏魯公祠記

顏魯公守平原功大故祠祀平原當時義烈終蔡州

也乃蔡又祠祀焉而瑯琊祠則又以文獻故里也歸德舊無魯公祠歸德祠則建自監察御史王公楠始王公視事歸德也問郡中故實郡唐之宋州地有八關齋會報德記石幢云記蓋顏魯公撰書在故開元廢寺中自會昌時詔毀而是紀也以時禁嚴乃亦毀其半以應詔使而後刺史崔倬者復訪其摹本補刻焉碑有善有不善故今有顏崔之辨云監察公既閱武歸過廢寺下觀焉而叅政喬



世甯僉事賈樞郭惟清都指揮韓璽從之見所謂石幢者柱形八面頂如覆釜顧材制特異而魯公又詞翰並佳斯亦可謂郡中三絕矣已乃讀其紀則宋州刺史徐向率屬吏父老爲河南節度使田神功建也神功救李岑解宋州之圍此其有德于宋州者甚大故方其寢疾也而宋州將吏爲作八關齋會云公乃又顧嘆曰八關者乃佛氏戒規也而飯僧懺悔事不雅馴不足傳于後世學士家何以稱焉彼獨重魯公書也嗟乎魯公以風節高世乃後世以其有六書之遺意豈所謂掇華棄寔者耶宜以廢寺爲魯公祠以表風節且令郡中有以知魯公也乃遂檄郡守南君逢吉將事而命世甯爲記焉世甯徘徊石幢下而愴然悲焉曰斯非睢陽故地耶在祿山之叛也監城守義者惟平原與睢陽耳當其時北招河朔南蔽江淮令唐不遂亡者獨以平原睢陽故也今睢陽人論張許事無不憤惋泣下者彼獨不並念魯公耶此所謂禮有以義起者也乃世甯又覽魯公傳見田神功者蓋魯

公始招起焉是神功宋州之澤皆魯公所遺也而郡祀獨闕然湮滅不報何哉又見其遣使靈武謁帝鳳翔又獨以忠諒經畧河北此固一身殉天下者也而希烈之難成仁取義千載高焉統之功亞李郭節並張許所謂社稷臣者非耶卽靈武鳳翔與河北諸郡皆可以忠貞報祀甯歸德也顧歸人獨愛護石幢舊覆以亭亭北新作堂三楹以僧徒守之蓋稍存八關齋故事耳會將造佛像其中而監察公至卽改設魯公王令春秋祠焉乃議其典則視諸張許而題其堂曰顏魯公祠蓋帑無費金民不知役而表忠顯義施于後世固激揚之風也今而後郡中知魯公公嘗爲監察御史雪河隴冤獄已又使河東以風裁著而王公楠以御史巡察其嘉尙若此此其中蓋有合也

國朝侯方域重修顏魯公碑亭記

太保宋公入相之四年而葬其

親以歸旣畢事矣拄杖而遊南城焉徘徊遠眺漠然大墟見有嶽嶽焉若人之立其際疆項而不仆

者顧謂其從者曰是何爲者耶是非魯公之故植者碑耶夫向之高甍朱題與濠光雉影侵薄而蕩漾者也吾幼與諸生肄業而遊者也今老矣物之變態固至此乎吾將爲亭以覆之閱月告成而命域爲之記域請于公曰公之爲是亭也以魯公之人耶抑以其書耶夫魯公之見厄于當時而直伸其志其視卿相王侯與其國封曾不若脫屣而何有于亭及其罵賊而死從容就義視吾之頭顱身軀皆所不愛而何愛此蚍斗烏跡之遺哉抑公今者天子之相也苟有所舉將觀而效之公故能書如以爲娛悅之具蘇軾嘗曰翰墨之清虛其異于聲色財賄之惑溺也特一間耳域聞古大臣之佐其君以有爲莫不勤懇于遠大之務汲汲而構造之而不遑于小技及其治定功成然後有所退託焉以自適如謝安石之絲竹裴晉公之松雪亦其類也今公意者以開創之業爲已畢歟而或借魯公以激發天下之忠義長養天下之人材乃崇是亭也夫天下大矣倘無如魯公者之神靈以往來

昭回于荒文斷碣之間是又蘇子所云深山大澤  
龍亡而虎逝吾且見狐狸之晝遊而鰕鱧之群舞  
也公之意其爲是哉公曰子之言旨矣吾以爲少  
而遊焉老而不能忘也嗚呼然則公之感于天下  
之變故深矣乃

侯方域新遷顏魯公碑記

宋郡舊有魯公

碑蓋魯公所書八關齋會報德記也結構精妙創  
動聳側爰考書契肇自皇初蒼頡而遙旋存篆隸  
逮夫會八體之情狀闢六勢之堂奧王羲之一人  
而已而世際不辰靈蹟多淹當蕭丞訪落昭陵升  
遐方且弓劍陪玉匣之年風雨護金壙之日蓋大  
寶于茲秘矣獨斯碑者雲蒸霞蔚筆旣斷而還連  
鳳翥龍蟠勢如斜而反正所謂坤輿之神奇歷千  
載如一日歟以故雖間有殘闕而軼致可尋海內  
自縉紳先生山林風雅之士見者未嘗不欲獻稱  
歎購之惟恐不得也而兒童走卒或遊臥嬉戲其  
下亦從而拱揖拜跪肅然如見其人焉豈寒燐衰  
草荒祠斷碣顧足以移人性情耶抑魯公神明所

係魂魄時往來其間有使之者而然耶夫魯公名  
在旂常精感日月誰不知之而一厄于盧杞再陷  
于李希烈當時曾不以爲重使魯公不以骨鯁處  
已方正忤人而徒矜矜于翰墨吾知其必爲一時  
所慕不爲一時所嫉也然則魯公之書豈非反以  
魯公之人掩哉而數千百年之後輒敬重愛惜山  
河之佳麗好雄之氣焰曾不若拳石之孤騫立之  
而不忍廢之廢之而復欲修之又何以說也八關  
齋去郡城南里許爲魯公碑舊立處毀之者就新  
築也歲在崇禎戊寅春齋之址築爲堞下臨濠水  
久之浸及碑郡人張翮遷之請予爲記歲在崇禎  
己卯夏碑高八尺橫八稜稜尺許凡八百八十六  
字闕七十四字卽 **宋犖**詩 春色當三月嘉遊向八  
魯公報德記也 **宋犖**詩 關殘碑終剝落野水白  
潺湲薨際朱題綴堦前碧蘚  
斑高賢靈蹟在惆悵未能還

五老祠舊在府城西二里明正德中少保俞琳檄

知州袁經建嘉靖丁酉圮于水知州王文琳移建

護城堤內

舊府志

五老祠在今西門外一里許祀宋

太子少師杜衍侍郎王渙司農卿畢世長郎中朱

貫馮平也嘉靖四十一年貫之裔刑部郎中朱景

賢刻五老遺像于祠中泐碑紀其事今石像歸宋

中書爝西清別業

商邱縣志

**宋五老社詩**

杜衍詩云五老四百有餘歲俱稱分曹與掛冠天地至仁難補報林泉休

致許盤桓花朝日夕隨時樂雪鬢霜髯滿座寒若也睢陽爲故事何妨列向畫圖看王渙詩云分

曹歸政養耆年李下何由更整冠賢相賦詩同笑傲聖君優詔許盤桓雁眉老叟俱稱壽凌雪喬松

豈畏寒屈指五人齊五福鄉人須作二疏看  
世長詩云非才最忝預高年分務由來近掛冠敢  
造距賢論軌躅幸依都府得盤桓篇章奉和慙風  
雅眷待優隆荷歲寒儻許衰顏叅盛列願憑繪事  
永傳看朱貫詩云各還朝政遇堯年鶴髮俱宜  
頂道冠乍到林泉能放曠全拋簪紱尙盤桓君恩  
至重如天覆相座時親畏地寒九老俱無元老貴  
莫將西洛一般看馮平詩云詔恩分務許幽閑

肯借留都獬豸冠名宦倘來空擾攘丘園歸去好  
盤桓醉遊春圃煙霞煖吟聽秋潭水石寒退傳况

兼爲隱伴紅塵

### 錢明遺五老圖詩序

夫蹈榮名而保終吉都貴

那復許頻看

勢而濟遐耆白頭一節人生所難今致政宮師相  
國杜公雅度敏識圭璧巖廊清德令望龜準當世  
功成自引得謝君門視所難得者則安享之謂所  
難行者則恬居之燕申睢陽與賓客太原王公故  
衛尉河東畢公兵部沛國朱公駕部始平馮公咸  
以耆年掛冠優游鄉梓暇日宴集爲五老會賦詩

酬唱怡然相得宋人形于繪事以紀其盛昔唐自  
樂天居洛陽爲九老會于今圖識相傳以爲勝事  
距茲數百載無能紹者以今視昔則休烈鉅美過  
之明逸遊公之門久矣以鄉閭世契倍厚常品今  
假守留鑰日登翹館因得圖像占述序引以明宋  
代鄉校詠謠之萬一至和丙申中秋日序

### 景賢睢陽五老遺像碑記

歸德卽古睢陽龍龜之  
英河山之秀旣鍾往古

聞發後世在唐則張許二公精忠大節保障江淮  
名垂宇宙後世大其功則創六忠祠宇在宋則五  
老諸公隆德碩輔耆年掛冠優游桑梓當時榮其  
事而繪五老圖像是五老在睢陽信文獻之著蔡  
也事在宋至和嘉祐間考之錢明逸紀圖序則祔  
公存時此圖已具驗之歐陽修借觀詩則圖像相  
傳宋人卽珍之矣圖故爲畢氏物也自我祖兵部  
公五世孫信菴公六歲附柁渡江南遷于吳復之  
睢陽以故宅餘地與畢氏後易圖南歸詳見拱适  
所記載則此圖入吳誠非贗物矣但睢陽知有五



老圖不知真蹟在吳已歷五百餘年又不知此圖  
藏吾朱氏雨厓熒厄若鬼神呵護不爲寒灰也我  
朱氏世珍此圖于吳不知五老之神在睢陽歷五  
百年而未散一見夢于王大叅而祀材因以寢移  
再見夢于俞都憲而呂內翰爲之記事遺容不磨  
精爽不昧二者相爲終始五老其睢陽衛人當與  
張許易地皆然者矣獨惜四氏之子姓漸滅無聞  
吾朱氏蟬聯振發于吳中者已十五世自信菴公  
仕宋直秘閣歷元至今朝簪纓接武說者說澶淵  
之役兵部公勸寇萊公以不殺降人爲陰德之報  
故朱氏獨昌然朱氏宦轍半天下獨無至大梁以  
起五老于九原者景賢濫官刑曹叨承欽恤之命  
徧歷兩河抵睢陽將謂廟貌崇重一郡然瞻拜祠  
廟湫隘不堪詢諸父老舉莫識圖存亡乃託其事  
于有司更闢前堂三楹奉五老遺像命工省之石  
並鑄其社會履和詩章各一首同置堂中復加龕  
衛使邦人見五老遺容宛若當世以起其思齊之  
心五老以圖像六忠以塑像兩祠並峙神容姦美

歸郡山川寧不因諸公而增輝也哉景賢陟土興  
懷追先貽後固五老之靈若或使之而工役趨事  
構建速成又五老之神若相之者矣當時守歸德  
郡者二府王君好學別駕趙君士楊朱君顯節推  
吳君國倫商丘令李君卿景仰前哲表勵風俗  
同此心也而翰誠率事其情又均焉故記之

國朝田蘭芳五老祠記

睢陽五老蓋宋祁國杜公  
流寓是邦與王朱畢馮輩

龐皓聯翩優游觴咏邦人因而號焉者也其祠不  
知創自何時疑亦守邦之大夫邑里之賢士慕其  
高風碩德貌而祀之以致其景仰之意者余不及  
值其盛時自往來城闕惟見棟宇摧崩石像墜污  
嘗送今翰林陳公有詩云五老覆頂無片舍蓋指  
此也居人無知往往相率遺矢其中過者傷焉二  
十年來凡經累政曾未有一人念及此者亦可慨  
矣庚申仲夏復經其地則見廟貌嚴翼墻垣崇深  
問其興起之由乃經歷陳君與市里一二父老之  
所爲也夫經歷非有出政起化之責而市里父老

又非讀書論世之人乃能不靳金錢聿新廢墜如此抑亦可謂奇矣及閔縣乘則祠之經始寔司空俞公病中感夢寐之事而爲之而關中呂公柎之記之也亦詳言神怪靈異之可信而已因歎苟無所爲卽勝事當前廢墜在目望其脩而舉之也難矣無惑乎聖賢忠義以及勲業文章之流其所產之邦與夫過化之地往往任其故址

陳履中詩

荒

湮滅遺蹟蕪沒而莫之顧也悲夫

查岐昌詩

風流吟讌湖南都畫像精英寓客俱祠廢郊原荒草合碑留名姓古苔鋪同時

洛社耆英會異代香山九老圖此

陳洛詩

洛社傳耆舊睢

日史書徵故事祗傳越國一司徒

陽蹟共垂千秋存片石五老見鬚眉地僻人踪少祠荒風雨危疇堪追故事終古仰芳規

褒忠祠祀宋南京留守凌唐佐明歸德府檢校董

倫柘城舉人陳聞詩也祠在協忠廟後 國朝康

熙二十年知府胡國佐重修更建別室祀明李乙

亥壬午死節諸人

商邱縣志

貞烈祠在南門外祀商邱縣知縣梁以樟妻張氏  
壬午流寇攻城以樟遁去氏自縊邑人築祠祀之

國朝商邱知縣趙申喬重修更建後堂祀壬午同

時死難諸烈婦

商邱縣志

謹按褒忠貞烈二祠配祀諸名氏具詳人物

略茲不備述

三報祠在商邱西郭邑人以祀宋包孝肅明海忠

介宋莊敏三公 國朝雍正年間士民請於郡守

王箴輿增祀故戶部尚書趙恭毅公申喬以公初

令商邱有功德改額曰四報祠

新增府志

國朝李紱四報祠記

凡祭有所祈焉有報焉而報之義有二有報其利者有報其

教者戴記謂地載萬物天垂象取材于地取法于天是以尊天而親地故教民美報焉報地食其利也報天服其教也其祀人鬼也亦然古之賢者吏于其地或生于其鄉有功德于人者必祠以報之推親地之義也不必吏于其地生于其鄉其功德在天下不必獨私于茲土而其賢可法則亦祠而報之推尊天之義也大河南北所在有三報祠祀宋包孝肅明海忠介宋莊敏三公而商邱西郭之

祠尤盛攷包孝肅嘗權開封旋遷右司郎中以去  
海忠介則生平仕蹟未嘗至中州未莊敏雖商邱  
人亦未嘗特爲功于鄉黨也然則其祀之也奈何  
以其賢也古之賢者多矣曷爲獨祀此三公也以  
其剛也周子論剛柔善惡剛之惡三其爲善也五  
柔則善惡各三焉剛之爲善也多故聖人思見剛  
者蓋陽剛而陰柔易春秋之義每扶陽而抑陰則  
人之法賢也必就剛而去柔矣包孝肅之剛婦孺  
能知之海忠介則以剛峯自號者也宋莊敏未嘗  
以剛名然所至以執法著撫保定值歲饑先賑而  
後聞其在戶部聖節賞賜二十萬抗旨不發裁潞  
王之國費近十萬旣長吏部獎廉抑貪不順政府  
意罪黜吏百餘人奏用鄒忠介不報再疏趣之可  
謂剛矣今商邱士民請于郡守王君箴輿增祀故  
戶部尚書趙恭毅公改其顏曰四報趙公則本  
朝所推爲賢且剛者也觀趙公之祀益知昔人所  
以祀三公者寔由于法其賢且剛而予之尤深且  
嘗有功德于茲土則服其教與食其利又兼之矣

中州爲陰陽風雨所和會其風俗中和醕粹未嘗偏于剛然氣質厚重則剛直之意多不然四公之賢何地不當祠而法之獨商邱人士能好賢也哉其同郡彭君嘉問陳君履中來屬爲之記書此授之俾刻于麗牲之石時雍

正十有二年春正月也

旌忠廟在甯陵縣治東祀唐劉昌

舊府治

旌忠廟不

知何年創明嘉靖四十四年知縣熊秉元重建後被拆毀舊址猶存知縣顧濤嘗遷其主于西甕劉

公懋生祠祀久廢

甯陵縣志

國朝查岐昌詩

向讀新唐書太息舊事逸悲哉建中旣矣翅天寶未甯陵一彈丸勢

屬李叛帥疇將三千士角抗四十日擊牛軍氣揚掘塹地道過誓當一死殉力破重圍出流涕斬場

張牧之美母溢義聲天地震勇膽鬼神栗逆氛不  
敢飛沃火且潛失史臣謂不然論事終非寔較量  
定國勞應與張許匹巍巍協忠祠俎豆千秋秩矯  
矯劉弄高姓名竟誰述涼颶吹豆岡沙草徧鬱壘  
弔古客裴回  
空言操不律

沙隨先生祠在甯陵城內東南祀宋程迥明知縣

陳煇重修

舊府志

今祠移于南大街路西

甯陵縣志

雙烈祠在甯陵縣西門內祀黃嘉猷妻李氏喬文

光妻解氏

舊府志

呂司寇祠舊在甯陵縣北關祀明刑部侍郎呂坤

今祠移北門內卽司寇舊居

舊府志



國朝王鐸拜呂司寇祠詩

吾師舊邑在披綠一相尋肅肅磬鐘古離離松

檜陰文名開翠嶽道氣刺茅心風雨空堂夕還聞珮玉音

白印謙詩

司寇聲名舊先朝德

業尊千秋遺業在三晉古碑存魚鰲移天

程正揆

壘風雷守廟垣尙書詩句好擊節向文孫

詩吾道存如綫高風凜百尋衣冠猶間氣松檜自清陰尺寸中原地蒼苔萬古心黃河天際逸長

夜此魏裔介詩大道亡羊久茫茫孰與尋真儒起知音

往代遺像肅秋陰白日光明氣名山風雨心况隨蘭方拱乾詩

先生持斧日曾識邵譜後鐘呂邇餘音公窩記向過庭語長懷遺範多新猷看昔曾舊樹表

亭柯濂洛雖難見清風滿澗阿

老子祠一名太清宮在鹿邑縣東十里相傳老子生于此後漢書桓帝遣官祀老子于苦縣爲立祠

之始唐高宗乾封中追封太上元元皇帝宋真宗祥符七年帝謁老子于太清宮舊多碑刻今無存

新增  
府志

後漢邊韶苦縣老子祠碑記

老子爲周守藏室史當幽王時山川寔震

以夏殷之季陰陽之事監喻時主孔子以周靈王二十一年生問禮于老聃計其年紀聃時已一百餘歲孔子卒後百二十九年謂周太史儋爲老子莫知其所終其一篇之書稱天地所以能長且久者以不自生也厥初生民遺體相續其死生之義可知也或有谷神不死是謂玄牝之言由是世之好道者觸類而長之以老子離合于混沌之氣與三光爲終始觀天作讖升降斗星隨日九變與時消息規矩三光四靈在旁存丹田太乙紫房道成仙化蛻脫度世羲黃來世爲聖者作師班固以老

子絕聖棄智禮爲亂首與仲尼道遠述漢書古今  
人表檢以法度抑而下之與楚子西同科二者論  
之殊矣所道不同不相爲謀也延熹八年八月甲  
子皇上尊德宏道舍宏廣大存神養性意在凌雲  
是以潛心黃軒同符高宗夢見老子而尊祀之於  
是陳相邊韶典國之禮材薄思淺不能測度至人  
辨是與非按據書籍以爲老子玄虛守靜樂無名  
守不德危高官安下位遺孔子以仁言避世而隱  
居變易名姓唯恐見知夫日以幽明爲節月以虧  
盈自成損益盛衰之源倚伏禍福之門天道惡盈  
而好謙蓋老子所以見隆崇於今爲時人所享祀  
乃其逃祿處微損之又損之顯虛無之清寂先天  
下生乃守真養性獲五福之致也敬演而銘之其  
詞曰於唯元德抱虛守清樂居下位執祿不營爲  
繩能直屈之可榮三川之對舒憤散呈見機而作  
雲郊出壩肥遁之吉避世隱聲守一不失爲天下  
平處處不薄居實舍榮楷式爲一金玉是輕絕嗜  
去欲還歸于嬰皓然歷載莫知其情要以無爲大

化用成進退無恒錯綜其貞以知爲愚冲而不盈  
大人之度非凡所平九等之紋何足累名同光日  
月合之五星出入丹廬上下黃庭背棄流俗含影  
匿形包元神化呼吸至精世不能原知其死生天  
人秩祭以昭厥靈羨  
彼延期勒石是旌

精忠祠在鹿邑城西關北祀唐真源令張巡久廢  
春秋上戊日掃地而祭康熙二十八年知縣呂士

鷓重建

新增府志

國朝宋犖新建精忠祠記

臣子知其分誼而已濟不濟非所計也何者利

鈍成敗之數在天不可知臨變而爲所當爲我之  
所自主也是故君父不言報稱國士如是衆人亦  
如是臣節不問尊卑秉鈞如是一令一尉亦如是  
凡以義原于天忠根于性非關後起之恩私得時

遇主之感憤激昂也郡南百二十里在唐爲真源張公令此當安祿山之叛且守且戰百折莫可挫其鋒以彈丸之邑千百飢羸無救之卒制狂賊數百萬之衆無有敢越此而窺江淮者區區一書生安危繫天下之半如此可不謂雄哉脫使得一旅以爲聲援得一飽以延朝夕靖塵氛而復社稷功豈在汾陽下哉而不然也公知盡吾人事耳人盡而天不應公固無如何也天下後世悲公之不幸而有知公歿寧之心乎卽信大義之有在而能如公盡分之誠乎迄今俯仰川原陣雲猶結弔古之君子未有不感慨興歌求昔提戈血戰之蹟而如或見之也矧夫春禘秋嘗載在祀典與日月山河共千古者而顧容束茅尺棟以褻之乎鹿之西門外舊有精忠祠祀公亂後傾圮無存而別築小亭如笠上戍設帷以祭且四十餘年於茲矣邑宰呂侯核其廢址而益大之捐祿糈倡紳士拮据經營極丹雘之麗觀可以妥忠魂于九地矣邑人美侯之舉藪豐碑柬子請織其事夫倡義勸忠興人心

而樹風化良有司之職也顧今福利中于人心獨  
有崇佛屠飾道觀棄律令而自愚耳如侯之知所  
務幾人與此固吾之所樂道也然而循分自  
盡得喪莫懷鹿人尤宜因公而堅信之哉許炎  
詩走馬瀨城西蒼茫落日低古祠惟鼠竄高樹但  
路濕許飛鵬詩遺廟臨清甸精靈貫白虹業終揚  
降泥許飛鵬詩李翰名早識于嵩捍敵孤城險捐  
軀百戰雄乞師諸  
將在配食盡貞忠

軒公祠在鹿邑縣治東祀刑部尙書軒輅知縣呂

士鷄重修

鹿邑縣志

栗王祠在夏邑縣北門外祀漢耿夔以功封栗王

明宏治間知縣王志重建

舊府志

明無名氏耿栗王祠記

蓋聞栗王姓耿名夔漢將軍竇憲裨將從征時有汗

馬殊黥承平之後栗邑猶荒地曠人稀宿有妖物爲患居民不安特封夔爲栗侯運謀設策威德並行害卽除之民獲安甚德之後遂贈爲王建祠于城之北門外捍災禦患有禱輒應惜乎前代毀于兵燹廟雖廢興不一而碑則卷石無恙至今存之故老相傳大畧如此洪惟我朝宏治收元之四年關西咸審王公志忠以進士來侯于斯下車之後率諸寮屬拜于其下因其隘陋不堪乃舉手加額而祝曰治民事神予分內事也王在昔既有除害安民之功千載之下禦災捍患靈響弗渝今廟貌若是何忍耶盍一新之俟二載政通人和遂爾卜吉鳩工掄材擴其規模高其臺址鼎建大廟三間益以崇門圍以垣墻塑王者像冠黼尊嚴甲冑環列丹堊輝煥金璧焯煌英風凜凜神氣洋洋由是居人香火接踵而至視昔落落荒祠蕭蕭敗壁豈不雲泥殊勢哉工之興始于六年正月初五日自

六月二十六日而落成焉。邑侯王公以事既竣，命工礱石來，索子言以記之。茲固敬述神之大概，工之顛末如此。於戲！神依人而食，人敬神而知禮。非王之功不足以起侯之敬，非侯之敬不足以闡王之功。王之功由是而益彰，侯之敬由是而益著。不然，所謂除害安民，誰之功哉？治民事神，誰之政歟？詩曰：神之格思，不可度思。矧可射思，子特以是復之。

雷侯祠在夏邑縣西門外，祀知縣雷時成。

舊府志

都御史章煥生祠在夏邑。

舊府志

按夏邑志失攷。

陳仲弓祠在永城縣太邱集，一在西關後。燬康熙三十年，知縣周正紀改建于東關外。春秋上戊日

祭

新增府志



國朝查慎行詩

賢人處末流德器務廣大先生得此意名不黨籍挂庸夫取同塵君

子重遠害偶然出從政初不計殿最曾爲茲邑長治道去其太豈必赫赫名當前互驚怪到今有餘

暴俎豆禮無殺我來謁公祠下馬肅瞻拜題詩

警俗吏似爲求名戒不見道旁碑去官碑輒壞

漢高祖廟在虞城縣治西南五里

虞城縣志

馬先生祠在漢高祖廟側

虞城縣志

謹按縣志稱馬先生姓馬名童爲漢高帝師

未知所據

宋仁宗廟在縣東南三十里今祀廢

虞城縣志

范文正公祠在虞城縣治西南明天啓間題請建

祠春秋兩祭至今不廢

新增府志

范文正公蘇州吳縣人

也其一支世居虞城邑中族姓繁盛

虞城縣志

大禹廟在睢州北吳公臺明巡按御史吳悌建

舊府

志按睢州志今廢

六忠祠在睢州新城西門內祀唐張巡許遠南霽

雲雷萬春姚閻賈賁

新增府志

岳忠武王廟在睢州東門內修祀今圯

睢州志

二程子祠在睢州駝岡

睢州志

范忠宣公祠在睢州新西門內公嘗知襄邑故祀

今廢

睢州志

湯恭人旌烈祠在睢州西門內大街順治五年建

新增

府志

襄公廟在後臺岡

舊府志

按睢州舊志新志俱作襄

王廟未詳祀何人姑錄俟攷

馬神廟在考城縣府館東

舊府志

按考城志今移縣

署之東

高陽廟在考城縣東南二十里

舊府志

按考城志不

載不知祀何神存攷

大河神廟在考城縣北堤口 國朝康熙十一年

河捕通判馮源濟重修

新增府志

火帝廟在考城縣治西南康熙十九年知縣劉際

昌重建修祀典

新增府志

李衛公廟在考城縣西南三十里歲旱禱雨輒應

考城縣志

英烈廟在柘城縣通正街祀陳公聞詩

新增府志

朱襄廟久廢順治十三年知縣張繹創修於舊城

內歲時致祭

新增府志

按伏羲之後十世爲有巢氏有巢氏沒朱襄作都于朱故號朱襄氏詳見禪通紀又柘城志謂墓于朱垆有寺詳見古蹟陵墓略

濟瀆廟在柘城西十五里濟瀆池禱雨輒應池僅

方丈餘旱則有司率吏民往祀焉

柘城縣志

謹按州縣諸祠廟有古祀而今廢者有古祀久廢而今復舉者有官不祭而士民修祀者舊志率畧而不書茲悉攷而錄之良以有其舉之莫敢廢也若乃寶刹琳宮不秩祀典亦足徵時考事則附列于古蹟略云

歸德府志卷三十

藝文略

序曰昔劉向校書歆卒其業總羣書而奏七略班氏倣之作藝文志後世史家仍其體悉錄名目存篇籍焉近日志藝文者不察其源置郡縣經史子集存亡于弗問汎收賦頌銘贊記序詩歌連篇累帙誇多鬪靡殊乖體要今攷古今文章有紀是郡方域者或繫諸地理或繫諸建置有關是郡典故者或繫諸賦稅或繫諸水利或繫諸廟祀其他

遊覽言情弔古興懷之什挹其風流體製削其浮  
雜鄙俚採英擷華存于古蹟者居多亦庶幾盡梁  
園之風雅矣斯略所載一曰學官經籍使人知國  
家頒行經史崇重實學咸能窮探根本而不雜以  
異端曲說也一曰名家著述使人知清辭雅製絡  
繹繽紛正體泐流單輿取則咸能繼軌而屬辭也  
一曰金石文字使人知豐碑石刻補闕訂訛亦鄭  
夾漈所云去親承古人之道遠惟金石庶存式瞻  
也一曰郡縣舊志使人知踵舊增新因襲損益皆

有原本以資叅訂也宋中薦紳先生有論性命之學有談風騷之學棗本流傳號稱極盛其或僅存什一于煨燼之餘或散亡于子孫式微之際雖盡搜訪苦心難免貽譏挂漏覽斯略者第于斯文規風俗之盛衰焉

〔學官經籍〕

聖諭廣訓一冊

孝經衍義一部

上諭三十六冊

雍正年頒

朱子全書一部

欽定四書文一部

四書講義二部



大清律續纂一部

通鑑綱目一部

御纂周易折中二部

綱鑑二部

欽定詩經傳說二部

性理二部

欽定書經傳說二部

條例二冊

欽定春秋傳說二部

學政全書一部

又二冊

上諭二冊

乾隆年頒

學宮備考一部

以上府學藏書

亦玉堂文集

商邱沈文端公鯉著後嗣貧落携刻板質諸市同里陳觀察履中傾

囊得之以板

歸諸郡學

柳下堂文集

商邱鄭文學廉字介夫著後人以集板求售同里陳觀察好義君子

也爲償其值亦藏諸郡學又按介夫所  
著有豫變紀畧八卷足補史家逸事焉

上諭二十四冊

自雍正元年至七年

學政全書二冊

聖諭廣訓二本

朱子全書一部

上諭十冊

乾隆年頒

又二冊

御纂周易折中二部

四書文一部

欽定詩經傳說二部

書經傳說二部

欽定春秋傳說二部

性理精義二部

欽定明史一部

駁四書講義一部

大清律一部

律例續纂二部

御撰資治通鑑四冊

資治通鑑二部

學宮備考一部

學政全書一部

以上商邱縣學

上諭二十四冊

雍正年頒

學政全書二冊

聖諭廣訓十六條

鄉飲儀註一冊

欽定四書二十二冊

孝弟詩解一冊

欽定十三經十四函

學宮備考一部

欽頒廿一史三十六函

學政全書二

新頒

御纂周易折中二部

書經二部

欽定詩經傳說二部

春秋二部

大清律二函

乾隆年新頒

性理二部

御批通鑑綱目十六函

條例一部

御定通鑑綱目三編二冊

乾隆年新頒

以上甯陵縣學

欽頒十三經全部

學政全書二部

欽頒二十一史全部

明史全部

御纂周易一部

詩經傳說彙纂一部

欽定書經一部

春秋傳說彙纂一部

御定資治通鑑一部

通鑑綱目一部

大清律一部

又一部

以上鹿邑縣學

四書大全一部

易經大全一部

詩經大全一部

春秋胡傳一部

禮記集註一部

五倫書一部

爲善陰騭文一部

孝順事實一部

誥一冊

勸善書一冊

以上夏邑縣學

聖諭廣訓一冊

學政全書

上諭二十六冊

名教罪人錄

御纂周易一部

尙書一部

欽定詩經一部

春秋一部

大清律例一部

性理精義一部

御批通鑑全部

綱目三編一部

以上永  
城縣學

聖諭廣訓一冊

海清碑文一匣

大清會典一部

學政全書一冊

舊缺

御製朋黨論一部

規勸條約二冊

上諭二十六冊

教士規條一冊

大清律例二套

律續纂一部

欽定四書文一部

正本增言一冊

御纂周易二部

詩經傳說二部

欽定書經二部

春秋傳說二部

欽定明史一部

性理精義二部

御定通鑑綱目二部

通鑑綱目三編四冊

上諭滿漢二冊

學官備考一部

欽定學政全書一部

乾隆年新頒  
以上虞城縣學

聖諭廣訓一冊

學政全書一部

上諭二十四冊

雍正年頒  
鄉飲儀注一冊

上諭二冊

乾隆年新頒

成均講義一冊

欽頒十三經十四函

讀書課程一冊

欽頒廿一史三十六函 儀注一冊

欽頒明史全部

孝經易知一冊

欽定四書文二十二冊 名教罪人錄二冊

御纂周易二部

書經傳說二部

欽定詩經二部

春秋傳說二部

御批資治通鑑十六函 性理精義二部

平定青海文

駁呂留良講義八冊

大清律例二部

續纂條例一部

學官備考八冊

乾隆年新頒

以上睢州學



欽頒十三經共十四函

鄉飲儀注一冊

御定四經各二部

共十六套

孝弟詩解一部

欽頒二十一史全部

三十函

性理精義二部

御批通鑑綱目八套

明史十二函

大清律例一部

學政全書二部

御撰綱目三編四冊

備考全書一部

以上考城縣學

上諭一部

名教罪人詩一部

御定朋黨論

朱子全書一部

欽定四書文一部

駁呂留良四書講義一部

御纂周易折中一部

日講易經解義一部

欽定書經傳說一部

日講書經解義一部

欽定詩經傳說一部

日講四書解義一部

欽定春秋傳說一部

學官備考一部

欽定性理精義一部

學政全書一部 又一部

大清律例一部

續纂條例一部

上諭滿漢二冊

鄉飲酒禮圖 以上柘城縣學

謹按頒經史于學唐宋間有之明代惟四書

五經大全郡縣學皆有藏書不及諸史也我

皇行月志卷三十一  
朝敦崇實學頒發四經十三經二十二史定

本度諸府州縣學尊經閣以爲士子勸導今

攷十學所藏或存或缺典守者甯得辭其責

歟

名家著述

宋元以上著述或傳或不傳故注存亡二字以別之

周老子道德經上下篇

姓李名耳苦縣人今存

莊子南華經五十二篇

名周宋人今存

墨子七十一篇

名翟宋大夫今存

漢丁氏八篇

名寬字子襄梁人亡

焦氏易林四卷

名贛梁人今存

禮記注四十九篇

橋玄字公祖  
睢陽人今亡

桓彬七說

今亡

雅琴龍氏九十九篇

梁人  
亡

大小太常章句

桓榮桓郁  
著今亡

六朝

蔡謨集

考城人  
今亡

江右遺典三十卷

江蒨考  
城人亡

江總文集三十卷

考城人南史本傳云三十卷  
宋史藝文志七卷今存三卷

江淹詩賦集

考城人今存者惟散見于  
昭明文選玉臺新詠諸書

范岫文集

南史本詩云岫所著文集  
禮論雜議字訓行世今亡

江革集二十卷

考城人  
今亡

蔡景歷集二十卷

考城  
人亡

江子一續黃圖

考城人所著續黃圖而外有  
班固九品并辭賦文章今亡

唐崔曙詩一卷

宋城人集亡今所存惟明堂火珠詩一首而已

宋戚同文孟諸集二十卷

楚邱人今亡

戚綸詩文集二十卷

又論思集十二卷理道評十二篇今俱亡

張方平玉堂集二十卷

宋城人今存

王洙昌元集十卷

宋城人洙集十卷曾見抄本詩三卷又著易傳十卷未見

盛度四集

順天府人著有愚谷銀臺中書樞中四集又中書翰林二制集今亡

兩漢博聞十二卷

楊大雅著今存又有大隱集西垣集職林原治俱亡

古今諫林一百二十卷

趙槩著虞城人今亡

會昌日歷補二十六卷

趙隣幾著又有六帝年畧史氏懋官文集俱亡

龍圖集二十卷

滕康宋城人亡

郭贇集三十卷

襄邑人今亡

張去華集三十卷

襄邑人亡

張師德文集十卷

今亡

許安世咏史詩

襄邑人今亡

許仲山和御宮詞

襄邑人詞二百首今失傳

崧老論語解

許翰襄邑人所著有論語解春秋傳若干卷今亡子彥周詩話行世

徂徠先生集

石延年字曼卿宋城人今亡

指元篇八十一章

陳搏著言導引及還丹之事今存又有三峯寓言高陽集鈞潭

集詩六百餘首今失傳矣又嘗見麻衣道者正易心法四十二章每章四句題希夷先生

受委皆後人偽託爾

未足據爲圖南也

歷代紀要

寧陵人劉熙古集古今事迹成之又作切韻拾玉二篇皆失傳

五運甲子編年歷三卷

劉蒙正著今亡

周易古占法二卷

寧陵程迥著今存其他著尚有玉泉講學古易考古易章句易

傳外編春秋傳顯微例目論語傳孟子章句文史評經史說諸書俱亡

淳熙雜志

程迥著今存又有南齋小集已亡

明徐永達集三十卷

商邱人

沈翰集

商邱人

四禮初稿

商邱宋纁

古今藥石

宋纁

前渠集

商邱李嵩

綸扉草

商邱沈鯉

南宮草

沈鯉

天放老人集

商邱楊懋

瀘濱集

商邱賈恭

人倫寶鑑

商邱楊涉

四書微言

楊涉

雅言堂集

商邱李言恭

西臺諫草

商邱余城

遂園集二十卷

商邱侯恪

梁園風雅

明雍邱趙彥復徵生選西陂宋氏刊行

大晉齋詩集

商邱侯方鎮

去僞齋文集十卷

商邱呂坤

呂公實政錄

呂坤著又所著有四禮疑四禮翼閨範新吾奏疏若干卷其呻吟語六卷

商邱陳氏刊行

李淑通集

鹿邑李泰著有鼓鳴鳴北上金陵清涼諸集二十六卷其雜著又有三體十詠節

候孫子等三十卷余所見惟四時氣候集解一書最爲精實



廣陵草

鹿邑崔泌之

古文選

鹿邑張信賢

甕天考辯

鹿邑段乃成

樗林集

段乃成

中隱園草

鹿邑閻夢夔

中陽事紀

閻夔

栗城十老會詩

夏邑金醞序十老姓名詳見人物畧

西臺諫草

夏邑彭端吾

平徠全書

彭端吾

苦海記

永城張夏茂

事友堂文集

永城王三德

石龕詩草

永城張星

近思錄

永城李支振

白鳳館遺集

虞城范良彥

劉仲威文集

睢州劉儀

南岡集奏議

睢州李孟陽

謫蜀錄

睢州柳牙

憨菴稿

柳牙

蒙庵集四卷

睢州朱宗

棠軒漫稿

睢州尚綱

分節史略

睢州劉國翰

名義通考

劉國翰

林下餘筆

睢州張雲鵬

平岡集五十卷

睢州劉淮

就正錄

睢州魯邦彥

近恒文集

睢州徐養相

振雒草

睢州傅性敏

弗過堂集

睢州袁可立

袁伯應詩集

睢州袁樞

散翁詩草

睢州王金鑑

艮明山房集

睢州王慕祥

尙書臆解

睢州趙夢星

筠峰語錄

栢城寶如珠

白華堂詩集

商邱宋權

三垣疏稿

朱權

焦桐集

商邱李目

壯悔堂集十卷

侯方域

四憶堂詩集六卷

侯方域

遡園集二十卷

商邱賈開宗

偶更堂文集

商邱徐作肅

存雅堂集

商邱侯方岳

綿津山人詩集

宋犖

筠廊偶筆

宋犖

西陂類稿

宋犖

青罕齋集

商邱田作澤

虛直堂集

商邱劉榛

百藥齋集

商邱陸鐘呂

我庵語略

商邱徐隣唐

劉氏家訓

商邱劉之楫

陳氏琬琰集

商邱陳宗石

安平縣志十卷

陳宗石

叵峰山人詩集

陳宗石

臆說五卷

陳宗石

劉千之集

商邱劉伯愚

綿蕭草堂詩集

商邱宋至

綠波園詩集

商邱宋筠

南原詩稿

商邱陳履平

陳通政奏草二卷

陳履平

青立軒詩稿

商邱宋華金

匏庵詩集

商邱張昉

鴈橋詩鈔十卷

商邱陳履中

孟子論文

商邱陳履中著句比字櫛當與宋蘇洵殊批孟子並行

河套志六卷

陳履中著臨川李紱景州魏廷珍宜興諸大文爲序

四書臆解四卷

商邱陳履中著安溪李光地作序極稱之其他所著有性理詮一卷

四書三傳合考八卷皆行世未刻者宋州人物志四卷神州山水志八卷富園纂集六種樂府津梁八卷中原二子七律選金石文字考三卷

西臺疏稿一卷

陳履中

綱目刊謬

拓城王培

二十一史刊謬

王培

鞭後老子集

鹿邑谷明登

彭西園集

夏邑彭堯諭

古靜堂詩集

夏邑陳希稷

來智堂集

夏邑魏敏祺

掃葉居士集

永城練貞吉

遺安堂詩集

永城王連瑛

度森堂集

永城李允密

穿石齋詩一卷

永城王連琨

居易堂詩集

永城洪東耀

容齋集

永城李天馥

松軒集

永城高等著嘗白題松軒詩云閉戶

休容風入座捲簾時  
放燕歸巢亦佳句也

垂雲堂集

永城李汝寅

野香亭詩集

永城李孚青

洛學編一卷

睢州湯斌

潛庵遺稿

湯斌

潛庵先生史稿

湯斌著皆紀明代事迹用編年例子家藏有之按長洲汪琬作公墓

銘載生平著述獨遺斯編豈堯峰未之見耶

主敬堂詩集

睢州于震生

松青軒詩集

睢州趙震元

雨蕉齋詩集

睢州吳淇著著述甚富詩集而外有選詩定論唐詩定論律呂正論參

同契正論陰符經正論龍虎上經指月入藥鏡圖說睢乘資道言雜錄諸書

今是園詩存

睢州李遙

今是園文存

李遙

張心若詩卷

睢州張鏡

雪厓集二卷

睢州余正元

禮記註解

睢州孟承謨

禮記纂說

孟承謨

隱山鄙事十二種

鹿邑李子金著原名之鉉以字行著書自娛爲時稱

天官紀略

柘城陳天清

逸德軒全集

睢州田蘭芳

白村詩集

睢州孫昉

寶氣亭詩集

商邱高岑

事親庸言

柘城寶克勤

理學正宗

寶克勤

至聖祠封錄

甯陵路建義

聖賢位次錄

路建義

慎獨齋集

柘城寶容端

爲學錄

寶克恭

謹按名家著述自明以上目存而書亡者什

之七明以下書或未盡散佚然爲世盛行

十亦不得二三焉士人登著作之林欲傳世

而行遠不亦難乎

金石文字

漢老子銘舊在鹿邑縣東十里太清宮

今亡

過水之側有李老君母廟廟在老子廟北有碑  
云老子生于曲過間又邊韶老子碑云老子楚

相縣人也相屬虛荒今屬苦縣城猶存在潁游

鄉之東過水處其陽

酈道元水經注

老子銘漢邊韶撰

字爲隸書不著名氏世以爲蔡邕書據碑延熹  
八年八月桓帝夢見老子尊而祀之韶時典禮



因而為銘碑在衛真縣太清宮

歐陽修集占目錄

天下

碑錄云在衛真縣太清宮延熹八年威帝夢見

老子而祀之于時陳相邊韶演而為銘金石錄

云舊傳蔡邕文並書蓋杜甫苦縣光和之詩啟

之周越書苑遂以韶撰文而邕書初無所据

雙彥

發漢隸字源碑目

世稱老子碑在歸德府鹿邑縣即古

亳州太清宮

曹昭格古要論

邊韶老子碑舊在鹿邑東

十里太清宮即酈氏水經注所云賴游鄉之東

也門左有唐推尊老子徽號碑剝落不可辨惟

存武德元和數字又宮北一里許爲洞霄宮祀  
老子母亦卽水經注所稱澗水之側李老君母  
廟是其地有宋真宗御製碑銘尙存俗傳爲蘇  
襄筆又按集古錄所載有魏黃初三年太清宮  
闕題名又金石林及中州金石攷諸編所述有  
唐乾封元年立老子冊文有開元十八年房自  
謙撰老子廟碑有開元二十二年李昇卿撰老  
子聖母碑呂獻誠八分書今皆雕落莫可攷矣

查岐昌朱洞  
霄宮碑跋

梁相孔耽神祠碑

今

光和五年立在亳州永城縣孔君自作歸藏之地而其子銘之字殊怪古前六十字作四行書額之下自左而右字最大其後頓小未又有五

十餘小字

婁彥發漢  
隸碑目

山陽太守祝睦碑

今

延熹七年立在應天府虞城縣

婁彥發漢  
隸碑目

祝睦後碑

今

延熹九年立在應天府虞城縣

漢隸  
碑目

尙書虞詡碑

今亡

過水東逕武平故城西北七里許碑題云虞君之碑諱詡字定安虞仲後爲尙書令武都太守

文字多缺不復可尋

水經注

許君清德頌

今亡

柘縣故城東石碎字紊唯此文見碑城西南里許有漢陽種令許叔臺碑光和中立又有漢故樂成令太尉掾許嬰碑建甯六年立餘碑文字碎滅不復可致

水經注

按諸碑俱莫詳其故處

太傅掾橋載墓碑舊在睢陽城南二里

亡今

碑在睢陽城南二里載字元賓梁國睢陽人也

睢陽公子漢熹平五年立城東百步有石室刊

云漢鴻臚橋仁祠城北五里有石虎石柱而無

碑誌不知何時建

酈氏水  
經注

太尉橋公廟碑光和七年蔡邕撰

亡今

睢陽城北五六里便得漢太尉橋元墓冢冢列

數碑一碑是漢朝羣儒英才哲士感橋氏德行

之美刊石立碑一碑是故吏司徒博陵崔烈廷

尉河南吳整等共勒嘉石昭明芳烈一碑是隴  
西枹罕北次陌碭守長隲爲左尉漢陽獮道馮  
孝高以橋公嘗牧涼州公之勛美宜宣舊邦迺  
樹碑頌以昭令德光和元年主祀掾李友作碑  
文碑陰有古鼎文建甯三年拜司空又有中鼎  
文建甯四年拜司徒又有左鼎文光和元年拜

太尉

水經注

真令劉修碑

今亡

建甯四年立在北京天下碑錄云在穀熟縣門

外夫子廟集古金石隸釋及諸道錄云在夏邑

縣

漢隸  
碑目

太邱長陳實壇碑舊在永城縣太邱集

今亡

在亳州永城縣卽古之太邱石殘缺止存八九

十字無年月金石錄云非蔡邕書而字亦奇偉

漢隸

碑目

唐遺教經

今亡

遺教經亦在歸德

顧炎武金  
石文字記

褚河南臨本遺教

經在歸德

金石  
林

聖教序臨本褚遂良書今莫可攷

辨帖箋云河南聖教序臨本一在陝西同州一

在河南歸德府

中州金石攷

按唐臨聖教序世傳惟

陝本至歸德本未之見也

宋州八關齋會報德記大曆七年顏真卿撰并書

王良器篆在今府南門外古開元寺

古蹟城南文載

一里開元廢寺中故有田神功報德記本魯公

書刊之石幢而亭以覆之

劉德昌商邱縣志

齋之址築

爲堞下臨濠水久之浸及碑郡人張翮遷之請



皇德元元  
卷三十一  
余爲記歲在崇正己卯夏碑高八尺橫八稜稜

尺許凡八百八十六字闕七十四字卽魯公報

德記也

侯朝宗壯  
悔堂集

按今顏魯公祠卽開元廢寺

明嘉靖中巡撫王楠卽其所祀焉叅政喬世甯

爲記碑亭 本朝順治初年宋太保權重修又

攷八關齋之名始著齊武帝資治通鑑永明元

年上于華林園設八關齋胡三省注云釋氏之

戒一不殺生二不偷盜三不邪淫四不妄語五

不飲酒食肉六不著花鬢瓔珞香油塗身歌舞

娼妓故往觀聽七不得坐高廣大牀八不得過

齋後吃食已上八戒故爲八關

新増府志

**宋**睢陽五老圖舊在商邱城西二里

今所存碑乃明

嘉靖年重刊宋時山陰杜祁公衍謝政居睢陽

與太原王賓客渙河東畢衛尉世長沛國朱兵

部貫始平馮駕部平集爲五老社祁公詩云若

也睢州爲故事何妨列向畫圖看又攷至和中

錢明逸有五老圖詩序紀其事則斯像當時盛

傳今五老祠所存遺像碑乃明嘉靖中朱貫裔

孫景賢重摹後歸宋中書於西湄別業非宋刻

也

查岐昌  
豫游錄

帝嘗廟碑舊在商邱高辛集

今亡

睢陽南四十五里古高辛之墟有帝嘗祠祠有

二碑其一宋開寶六年其一金崇慶元年聞諸

故老石刻尙多皆燬于金季

元苑溟帝  
嘗廟碑

明神禹銘在歸德府署大堂後西覆以亭

今亡

夏禹岫嶼山銘向在南嶽廟宋嘉定中何致子

一手摸其文刊諸嶽麓書院潛采翁嘗書後云

是銘考古家率以爲僞祇因箋釋者太支離故

疑信相半予來宋郡觀署齋西偏立石乃明萬

厯間郡人沈鎰摹本較何氏所刊體勢稍肥無

拳身倒披態東海高鏘跋其碑陰盛稱之俗傳

佩斯銘能辟鬼物避水火爭相傳搨幾與獄釐

一刻齊名矣

查岐昌  
豫游錄

謹按是郡舊碑刻惟魯公八關齋記巋然如

魯靈光獨存好古者宜留意焉其他宋元以

下去思碑總政記尙多概不濫入

郡縣志乘

李嵩歸德府志

嵩係郡人明嘉靖四十四年創爲之

朱國榮歸德志

朱係遼東人知府順治十五年重修今所傳舊志止此其目錄有十

日天文日地理日建置日田賦日詞祀日官師日人物日選舉日藝文日雜志

宋州人物志

商邱陳履中著藏于家

呂乾健商邱縣志

呂係山東人明萬曆十年始修邑人朱纒總其事

劉之驥商邱縣志

劉係章邱人知縣順治十五年重修

劉德昌商邱縣志

劉係文安人知縣康熙四十四年重修

熊秉元寧陵縣志

始輯于邑人呂坤嘉靖甲子年知縣熊秉元成之

王圖甯甯陵縣志

王係金谿人知縣  
康熙三十年重修

王堯曰鹿邑縣志

明嘉靖二十七年邑人王堯曰  
韓其序云鹿邑舊無志始修于

成化樂韶氏中多舛遺今樂韶  
志不傳然創修之功不可沒也

陳王猷鹿邑志

陳係邳州人知縣  
順治十五年重修

呂士鷄鹿邑志

呂係歙縣人知縣  
康熙三十一年重修

顏懋倫鹿邑志

顏係曲阜人乾隆六年知鹿邑  
縣重修未幾罷任書未刊行

鄭相夏邑志

鄭係廣德州人知縣  
明嘉靖二十五年修輯

金甌夏邑志

金係湖廣人知縣  
明萬曆十年重修

劉芳顯夏邑志

劉係關東人知縣  
順治十五年重修

方立楨夏邑志

方係揚州人知縣康熙三十七年重修

程孔思永城志

程係霍山人知縣順治戊戌始創于李侍御廕岳賈文學開宗而程

令成之

周正紀永城縣志

周係山陽人知縣康熙三十年重修又六年奉天耿晉光重輯

復爲之序

胡宗瀄虞城縣志

胡係湖廣人知縣明萬曆三年創修

史鵬虞城縣志

史係山西人知縣順治十五年重修

李仲極虞城志

李係大興人知縣康熙三十年重修又五年奉天何天相宰斯土始

刻成之

蔣光祖虞城志

元本係乾隆三年知縣張元鑑重修未刊泰典蔣光祖續成之

李孟暘睢州志

睢州人明弘治十八年

程應登睢州志

程係上黨人知州明嘉靖四十二年重修

睢陽人物志

睢州劉文學撰次華亭董其昌爲之序

馮斌睢州志

志分爲數帙曰睢陽耆舊傳曰風俗志曰遺事考至理學則附入洛學編

後州守程正性增修州志取資斯編湯公亦爲序其簡端

陳應輔睢州志

陳係三韓人知州康熙三十二年重修

杜志晦考城縣志

杜係古河人知縣明萬曆乙酉創修

楊啓元考城縣志

楊係漁陽人知縣明崇正癸未重修



楊種堦考城縣志

楊係東萊人知縣  
順治十五年重修

陳惠敏考城縣志

陳係鄆陽人知縣  
康熙三十七年重修

李本固柘城縣志

李係山東人歸德府  
知府明萬曆年創修

張繹柘城縣志

張係大名  
人知縣  
順治十二年重修

史鑑柘城縣志

史係浙江仁和人  
知縣  
康熙三十九年重修

朱陽書院志

寶克  
勤輯

謹按郡縣志乘凡創修之人雖或體製簡略

悉具經營苦心其增輯者因仍前業雅意修

明亦皆有功文獻姓名俱不可沒也向來修

志家往選借舊志寫白一通略加增輯輒冠  
已名自欺欺人其何以彰往而信來乎茲故  
舉舊志姓氏彙錄于藝文之末云



歸德府志卷三十一

武備略

序曰自古論治國者未始不以德而自戰國秦漢以來鮮不以兵夫世當至治思患預防武備豈可不講哉況宋中當齊楚之交衝爲江淮之保障亂春秋經傳以及歷代史書屢紀被兵如華大夫之易子析骸張中丞之羅雀掘鼠阮斯酷矣明初軍政頗稱盡善及于叔季人不習兵被甲者率如絀袴子弟射不穿扎戰守俱無足恃當賊賊兩陷郡

城蹂躪慘毒甚至刳嬰兒之弱胎羨孕婦之纖趾  
鬼哭繁冤數月不絕今日者幸際昇平兼筆而紀  
前代之寇亂亦弔古戰場之意也惜乎舊志荒略  
典籍散亡是郡歷代兵制遠莫能詳自明以來間  
有可述我朝設立叅將佐以守備尙仍明隆慶  
間制所屬州縣各有營汛駐防猶有宋代鄉兵遺  
意是在師武臣力者平時安不忘危治不忘亂訓  
練士卒繕完甲兵以有備而無患也侯方域有言  
曰豫州乃天下之腹心而歸郡又豫省之腹心也

孰謂武備而可弗講歟

歷代兵燹

周魯隱公五年邾人鄭人伐宋

春秋

鄭人以王師會之伐宋入其郛以報東門之役

春秋

左傳

隱公九年宋公不王鄭伯爲王左卿士以王命討

之伐宋

左傳

十年夏翬帥師會齊人鄭人伐宋

春秋

夏五月羽父先會齊侯鄭伐宋

左傳

六月壬戌公敗宋師于菅

春秋

桓公二年三月公會齊侯陳侯鄭伯于稷以成宋

亂

春秋

十二年十有二月及鄭師伐宋丁未戰于宋

春秋

莊公十年二月公侵宋

春秋

夏六月公敗宋師于乘邱

春秋

莊公十一年夏五月戊寅公敗宋師于郟

春秋

十三年春會于北杏以平宋亂

左傳

十四年春齊人陳人曹人伐宋

春秋

夏單伯會伐宋

春秋

十五年鄭人侵宋

春秋

僖公二十一年秋諸侯會宋公于孟子魚曰禍其

在此乎於是楚執宋公以伐宋

左傳

十有二月公會諸侯盟于薄釋宋公

春秋

僖公二十二年冬十有一月宋公及楚人戰于泓

宋師敗績

春秋

二十七年冬楚子及諸侯圍宋宋公孫固如晉告

急

左傳



文公十年冬狄侵宋

春秋

十七年春晉人衛人陳人鄭人伐宋

春秋

宣公二年春鄭公子歸生受命于楚伐宋宋華元  
樂呂御之二月壬子戰于大棘宋師敗績囚華元

獲樂呂

左傳

宣公十三年夏楚子伐宋以其救蕭也

左傳

十四年秋九月楚子圖宋

春秋

成公六年衛侯孫良夫帥師侵宋

春秋

秋仲孫蔑叔孫僑如帥師侵宋

春秋

十六年夏鄭子罕伐宋宋將鉏樂懼敗諸洧陂退  
舍于夫渠不做鄭人覆之敗諸洧陵

左傳

謹按夫渠洧陂洧陵杜注云皆宋地春秋傳  
說云今甯陵縣南二十五里有洧陵城

十八年夏六月鄭伯侵宋及曹門外遂會楚子伐  
宋取朝郟楚子辛鄭皇辰侵城郟取幽邱同伐彭  
城納宋魚石向爲人鱗朱向帶魚府焉

左傳

謹按朝郟杜注宋地當在夏邑境城郟幽邱

杜注宋地當在蕭縣

襄公元年春己亥圍宋彭城非宋地追書也於是

爲宋討魚石故稱宋且不登叛人也謂之宋志

左傳

秋楚子辛救鄭侵宋呂留鄭子然侵宋取太邱

左傳

謹按呂留杜注二縣今屬彭城郡太邱杜注

譙國鄆縣東北有太邱城今永城縣西北三

十里有太邱集卽其地

十年六月楚子襄鄭子耳伐宋師于訾母庚午圍

宋門于桐門

左傳

謹按訾母杜注宋地春秋傳說彙纂云當在

鹿邑縣境未詳其處

十一年夏鄭公孫舍之帥師侵宋

春秋

秋七月楚子鄭伯伐宋

春秋

十二年冬楚子囊秦庶長無地伐宋師于楊梁以

報晉之取鄭也

左傳

謹按杜注梁國睢陽東有地名楊梁水經注

渙水東逕陽亭北卽楊梁也今在歸德府城

東南三十里

昭公二十一年夏宋華亥向甯華定自陳入于宋

南里以叛 春秋

謹按南里杜注宋城內里名在今商邱縣境

定公十一年春宋公之弟辰及仲佗石彊公子地

自陳入于蕭以叛 春秋

十五年鄭罕達敗宋師于老邱 左傳

謹按老邱杜注宋地春秋傳說彙纂云今陳

留縣北四十五里有老邱城

哀公五年夏齊侯伐宋 春秋

十四年夏五月宋向魍入于曹以叛 春秋附錄

十五年夏五月鄭伯伐宋

春秋附錄

宋王偃立四十七年齊潛王與魏楚伐宋殺王偃

遂滅宋而三分其地

史記宋微子世家

**漢**高祖三年秋八月彭越下梁十七城楚復擊取之

資治

通鑑

灌嬰受詔別擊楚軍後絕其饗道起陽武襄邑擊

羽將項冠于魯下破之

通鑑綱目

靳歙從漢略梁地擊邢說軍于菑南破之又擊楚

絕其餉道起滎陽至襄邑

通鑑綱目

景帝三年春吳楚齊趙七國反吳楚先擊梁棘壁  
殺數萬人梁孝王城守睢陽而使韓安國張羽等  
爲大將軍以距吳楚吳楚以梁爲限不敢過而西  
與太尉亞夫等相距三月吳楚破而梁所破殺虜

略與漢中分

史記梁孝  
王世家

淮陽王更始二年冬梁王劉永據國起兵下濟陰

等二十八城

通鑑  
綱目

光武建武二年夏四月遣將軍蓋延等擊劉永圍

睢州

通鑑  
綱目

秋八月蓋延圍睢陽數月克之永奔譙

通鑑

三年四月睢陽人反城迎劉永蓋延引兵圍之督

馬武等伐永攻拔襄邑

通鑑  
綱目

秋七月睢陽人斬劉永以降諸將立其子紆爲梁

王

通鑑

五年夏六月光武自將擊梁秋七月梁人斬紆以

降

通鑑

晉懷帝永嘉五年苟晞奉豫章王端爲皇太子自倉

坎徙屯蒙城置行臺尋爲石勒所擄

通鑑



燕慕容重追桓温及于襄邑大破之

晉書載記

後魏

孝莊帝永安二年梁將陳慶之送北海王顥北還

進至梁國魏將邱大千分築九城以拒之慶之拔

其三壘大千降顥遂卽帝位子睢陽南旋克梁國

魏書

唐

天寶十五載正月安祿山反賊張通晤陷曹宋等

州譙郡太守楊萬石降賊逼巡爲長史巡率吏哭

予元皇帝廟遂起兵討賊

唐書張巡傳

肅宗至德二年春正月賊將尹子奇寇睢陽張巡

入城同許遠拒之

通鑑綱目

三月尹子奇復寇睢陽張巡擊走之

通鑑

李庭望將蕃漢二萬襲襄邑張巡擊破之

通鑑

冬十月尹子奇陷睢陽張巡許遠與其將南霽雲

雷萬春姚閻等三十六人皆死之其別將石承平

等二十五人亦皆死巡難初睢陽孤危時賀蘭進

明在臨淮尙衡在彭城許叔冀在譙皆擁兵不救

城中食盡人知必死莫有叛者河南節度使張鎬

聞睢陽圍急倍道亟進比至而城已陷三日

通鑑綱目

建中四年李希烈陷汴州曲環守甯陵斬賊三萬

五千級擒其將翟崇暉

唐書  
列傳

李希烈圍甯陵邊水灌之親令軍中明日拔城武  
衛中郎將栢良器以救兵至擇弩手善遊者泝汴  
渠夜及旦伏弩發賊乘城者皆死錄功封平原郡

王

唐書  
列傳

謹按曲環栢良器二人事蹟可補名宦略之  
缺故並志之

僖宗乾符四年王仙芝黃巢圍宋威于宋州將軍

張自勉擊却之

綱目通鑑

宋靖康元年金人陷拱州

宋元通鑑

理宗紹定五年春二月蒙古圍金歸德府

通鑑

金哀宗天興元年乙未元兵至汴金徐州行省完

顏承立因引兵入援義勝軍救侯進杜正張興率

所部北降承立入睢州二月王子朔承立謀走歸

德至陽驛店遇元兵徐帥元顏兀里力戰而死承

立等馬蹶亦被擒使招京城不從時睢州刺史張

文壽棄城從承立皆死之戊午元兵入睢州

宋元通鑑

元太宗庚寅拖雷擊金軍于三峰大敗之餘衆走睢

州伏兵起又敗之

宋元通鑑

明武宗正德六年文安賊劉六劉七寇歸德城守備

萬廣拒却之

商邱縣志

世宗嘉元年礦盜王堂等往來金鄉魚臺間突至曹州轉掠考城循河而西至東明長垣流入祥符

封邱歸德南抵徐州

資治通鑑綱目三編

嘉靖元年壬午討流賊王堂于遠廂城衛軍敗績

死者七千餘人男婦死者無筭

湯斌睢州志

嘉靖三十二年九月柘城人師尙詔結劇盜數千  
薄歸德城其黨啟門納之劫獄囚掠帑藏去官軍  
分道追賊獲尙詔于山東詔卽所在斬之賊起四  
十餘日破府一州二縣八屠戮十餘萬人三省皆

震

資治通鑑  
綱目三編

三十二年逆賊師尙詔起柘城襲破歸德守臣逃  
匿檢校董綸死之綸子奎妻賈氏俱被害翌日攻  
甯陵弗克睢州戒嚴乘勝攻柘城縣令逃匿誘執  
其舉人陳聞詩乃攻鹿邑至元武集聞詩死鹿邑

令遁去城降復趨古家馬頭攻破之殺數萬人

州

志

附朱睦㮮平寇記

癸丑之春柘寇師尙詔王邦用

守土者不欲遽加以兵乃使使諭以順逆二寇佯若悔禍而實爲謀愈急也七月庚午遂襲歸德明日再陷鹿邑柘城屠燒太康鄆潁犯扶溝許昌聲振京師越七日大中丞衡水祇公來承明詔求自畿內乃會侍御霍公冀暨左使鄒君守愚臬長趙君正學都閫尙君允紹詰戎兵虜芻粟察姦宄羽檄四馳事無巨細悉維公裁已而諸衛所兵畢至公乃誓于衆曰茲土殘賊式興誕遭毒痛今茲去殘其可以虐爾千夫長百夫長慎乃部兵毋攘我民資毋擄我妻孥其有攘于民資擄于妻孥國有常刑毋敢爾宥又諭兩河之民曰毋憚寇勢從其殺掠其有陷而歸者俾甯而家乃謂憲副曹君邦

輔曰其司紀功兼總戎事適嚴賞罰以鼓士氣其  
務在殄滅謂少參俞君維屏黃君洪毗曰古之給  
餉論功爲最若額錢穀出納惟昔毋饑我師謂僉  
憲章君煥曰乃與都指揮僉事尚君允紹以睢陳  
宣武河南兵五千有奇爲中軍其彰爾威以遏亂  
畧謂僉憲李君豸曰乃與都指揮僉事李君瑋以  
彰德兵三千有奇爲左軍其茂植乃猷以殲醜虜  
謂憲副焦君璉曰乃與指揮袁燦以南陽信陽汝  
寧兵二千有奇爲右軍其據乃誠以襄厥事于是  
諸軍肅肅而徂公乃自率諸衛所勁卒千有五百  
人以督其後又謂督學憲副徐君需曰子惟邃于  
文謨必閑武畧其同余往以撫我師謂都指揮僉  
事胡君永錫曰爾惟前導以飭而師以耀而武八  
月辛酉諸道兵合于襄城賊負險而陣我兵分圍  
久之稍有卻者曹君怒乃戮二人徇于軍中復麾  
戈而往以身先之諸士卒感勵奮勇一鼓遂捷其  
夜邦用就擒尙詔引餘寇遁去公乃益允紹塘兵  
千有七百人乘勝追躡又令憲副謝君佑守鈞陽



僉憲李君燧守單懷都指揮僉事王君錫戍沈丘  
指揮夏岢戍鹿邑唐希周戍淮口張希夷戍中都  
又檄僉憲王君之誥朱君舜民守備謝君琚協勦  
之曰今渠魁所遁惟爾所分地其嚴而守以奏乃  
功九月丙午師次五河監察霍公責戰益急岢尙  
詔列營水次曹君乃率允紹攻其南李君率瑯攻  
其東北章君率希周攻其西于是俞君黃君饋餉  
不絕屢戰屢捷斬俘前後凡千五百有奇焚賊舟  
二十六艘溺者無筭中土遂平公獻捷闕下褒其  
功賜以金幣仍進俸一級命旣下藩臬長二諸君  
謂公竒勲偉蹟不可泯泯請余紀之  
以告來者睦樛乃序其事以爲公賀

懷帝八年二月流賊攻睢州衛兵拒之編小車爲  
營于城東賊至官兵敗績賊攻城幾陷官生袁樞  
散財募守俄而巡撫督兵至賊遁去誤以樞爲賊

砲斃之知州魏國柱坐此去官

睢州志

八年春三月流賊陷商邱大堤死者萬人

商邱志

十年九月流賊寇睢州分爲二一向城南一向城

北

睢州志

十一年四月流賊寇睢州渾子集野鷄岡殺掠無

筭

睢州志

十二年正月流賊寇犯虞城境

虞城志

十三年九月一條龍反寇睢州明年爲官軍所滅

睢州

志

十四年流賊袁時中渡河寇睢州

睢州志

十五年壬午三月流賊李自成羅汝才袁時中寇

睢州隳州城

睢州志

壬午三月闖賊陷歸德同知顏則孔推官王世琇

死之同時死者十餘萬人

商邱志

壬午三月闖賊李自成破歸德府發賊三千至虞

拆城焚殺

虞城志

壬午十一月總兵劉超以私忿殺御史魏景琦舉

人喬明楷次年正月二十一日巡撫王漢帥師討

超失機遇害超據城叛至四月亂始平

永城志

衛兵舊制

直隸歸德衛有左千戶所右千戶所中千戶所前千戶所後千戶所左右各百戶所附正廳官一百二十八員指揮使六員同知四員僉事十員衛鎮撫一員千戶四十員所鎮撫五員百戶六十六員總旗九十六名小旗四十八名

舊府志

衛軍原額春班正軍九百一十八名又新軍二百七十五名原額秋班正軍二千六百九十一名又新

軍二百七十五名每歲兩班軍以春秋赴捺京師  
人給安家米二箇月共一石六斗行銀六箇月共  
一兩二錢後因旱澇每名減銀止給銀八錢

舊府志

歸德衛城操馬步兵共一千五百四十三名內有馬

四十二匹巡捕軍丁三十名巡鹽兵丁二十名局

匠七十三名軍需料丁七十三名遞解軍丁四十

八名四門守門軍丁一百八十六名看監軍四十

八名

舊府志

本衛屯田地三千九百八十六頃新增子粒地一千

一百八十五項 國朝順治十六年衛裁地附各

州縣者各隸之

舊府志

明初設睢陽衛于睢州其官有指揮使指揮同知指揮僉事共二十八員衛鎮撫四員左右中前後五所千戶三十員所鎮撫五員百戶五十員皆世襲

其幕有經歷則文官爲之其職司有掌印屯局巡捕城操春秋班五年軍政稽其賢否而進退之平時督旗軍耕屯田操演騎射盜賊竊發率領操軍相機擒捕有巨寇則特命重臣合數衛兵協力征

盛德不元 卷三  
勦事定各歸本伍當其盛時爲官者皆精習韜鈴

屢立戰功至末年士多射不穿札戰守無足賴矣

湯斌睢州

衛官志

睢陽衛初隸南京景泰初始隸河南衛所額設官軍  
四千六十名春班八百六十名秋班三千二百名

睢州

舊志

睢陽衛城操原額二千四百名嘉靖二十七年睢陳  
兵備道申請更定二千九百名騎操馬五十六匹

旗軍五千七百九十八員名

睢州  
舊志

謹按明史兵志初設河南都司屬衛十九分  
歸德睢陽爲二衛其後歸德衛屬中軍都督  
府在京睢陽衛仍屬河南都司衛所之外郡  
縣有民壯宏治二年立僉民壯法有司訓練  
遇警調發給以行糧而禁役占放買之弊旣  
而侍郎李孟暘奏察有司不操練民壯私役  
雜差者如役占軍人罪報可其議孟暘本睢  
州人并附志之

營兵今制

駐防  
附見



國朝歸德營統領自叅將標下額設馬步兵丁七百二十四名內馬兵一百四十四名步兵五百八十八名內除各官養廉馬糧二十分經制外委馬兵四分步兵三十八分公費步兵十五分實在馬步兵丁六百四十七名內馬兵一百二十名步兵五百二十七名所屬駐防凡九處

新增府志

城守馬步兵共二百八十九名內馬兵六十六名

步兵二百二十三名

新增府志

商邱向無駐防崇汛至乾隆六年始設右哨貳司

把總一員自甯柘二縣調撥改爲商邱專汛計馬步兵八十四名內馬兵十二名步兵七十二

名

新增府志

駐防甯陵柘城二縣把總一員自順治年始制嗣於乾隆六年改設駐防甯陵縣外委把總一員馬步兵共二十九名內馬兵四名步兵二十五名

駐防鹿邑汛左哨貳司把總一員馬步兵共四十二名內馬兵十一名步兵三十一名自順治年

始

駐防夏邑汛左哨頭司外委把總一員馬步兵共二十九名內馬兵一名步兵二十八名自雍正七年添設

嵩汛駐防虞夏二縣左哨頭司把總一員自順治年始制後于雍正七年分設駐防虞城汛左哨頭司把總一員馬步兵共三十四名內馬兵一名步兵三十三名

駐防永城汛左哨千總一員馬步兵共四十六名

內馬兵十名步兵三十六名自順治年始

駐防睢州汛右哨頭司把總一員自順治年始協  
睢州汛外委把總一員雍正七年添設計馬步  
兵四十九名內馬兵十一名步兵三十八名

嵩汛駐防考城縣右哨千總一員自順治年始協  
防考城縣外委把總一員雍正七年添設計馬  
步兵共二十五名內馬兵二名步兵二十三名

嵩汛駐防柘城縣外委于總一員馬步兵共二十  
名內馬兵二名步兵十八名雍正七年始添設

以上俱新

增府志

謹按駐防營汛之設所以譏竊發備不虞思  
患而豫防也 國家幸際昇平父老扶杖觀化  
然州縣之間疎防屢告以至劫行旅拒捕役  
所在間有孰謂小盜不足慮哉夫民之不良  
盛世亦難禁其必無要在弭之有道而已矧  
睢陽歷代兵寇之患其著于紀載得于傳聞  
皆可爲前車鑒戒凡守在于城者平居于武  
經七書百戰竒法古今名將傳戚繼光練兵

實紀諸編日讀月講皆有良法而鎗如何刺  
刀如何輪棍如何擊砲如何發箭如何射城  
如何守壁如何攻號令如何習熟坐作如何  
齊一饑渴如何預備器械如何整修如此之  
類呂新吾于武職二篇論之特詳知方略者  
固宜究心也卽州縣職司文事弭盜有法亦  
有裨于武備焉一核保甲而奸頑無所容隱  
如韓延壽之治潁川可法也一勤撫綏而汚  
俗咸與維新如張綱之治廣陵可法也一抑

游惰而刀劍化爲耰鋤如龔遂之治渤海可  
法也自古絕姦于源止邪于未形而制治保  
安之道莫善于此有文事者曷亦思之